

溫
州
經
籍
志

溫州經籍志卷二十三

瑞安 孫詒讓 編

集部

別集類

朱

周氏 元龜 蒼巖禪簪

八十卷 萬縣溫州府志十七

佚

盧氏 方春 盧柳南小簡

一卷 百川書志十八

存 遜學齋藏羣公小簡鈔本

四庫全書總目一百九十二羣公小簡六卷不著編輯者名氏前有成

化乙未徐傳序敘稱蘇文忠方秋崖趙清曠盧柳南孫仲益五先生之所著

東歐詩集三盧方春號柳南永嘉人登嘉熙進士

萬厯溫州府志十宋進士嘉熙戊戌周坦榜盧方春永嘉人省元工詩案文獻通攷選舉考五載嘉熙二年省元繆烈非盧方春志疑誤

案盧柳南小簡七十二首刻在嘉靖壬辰慎獨齋所刊羣公小簡第四卷皆瓊屑酬應書割語多淺俗蓋宋元間書肆所編刻也後又附二十六首據原注本趙清曠小簡因其體似盧作遂移入此卷殊無稿據疑亦書賈所爲矣

徐氏

儼夫

桃渚集

雍正浙江通志二百四十八

佚

案桃渚徐侍郎儼夫雍正浙江通志義行傳萬厯溫州府志文

學傳乾隆平陽縣志介節傳並有傳

戴氏仔開治堂集

七十二卷萬厓溫州府志十七

佚

萬厓溫州府志十七開治堂集七十二卷亦曰居業集戴仔撰

項氏桂發皇華集乾隆溫州府志二十七

佚

乾隆平陽縣志十一宋武科淳祐甲辰項桂發樹項桂發居項橋知循

州雷州擢護衛防禦使帶御器械詔授同知樞密院事案宋史宰輔表副樞無項桂發

萬厓溫州府志選舉門載桂發官亦止云知雷州北疑不足據

應氏節嚴平坡集萬厓溫州府志十七乾隆溫州府志二十七坡作嚴誤

佚

林景熙故待制吏部侍郎應公墓誌銘公爲文精寔詣理有補世教自

號平坡居士

霽山集五

案平坡應侍郎節嚴萬厯溫州府志宦業傳乾隆平陽縣志名

臣傳並有傳

侯氏

畚霜崖集

宋史二百十三。續文獻通攷一百八十崖作厓

佚

緱山侯氏譜八一府君畚字道子號霜厓事在宋史忠義傳中所著有霜厓集博士陳松龍序之大畧謂府君人文霜潔厓峻已而府君果以全節表百世云 八二府君諱萬字恭子號石厓霜厓公之仲弟升國子上舍未命卒是時吾侯文儒振矣霜厓公爲之倡有憶思齊叔送弟恭子讀書嚴灘二詩職集中二山谷山人集一

案侯節毅公言宋史忠義傳八雍正浙江通志忠臣傳萬厯溫

州府志忠節傳道光樂清縣志忠烈傳並有傳

潘氏

希白

柳塘集

萬厓溫州府志十七

佚

萬姓統譜二十五潘希白蚤學詩於趙汝回既而與樂府駢儷俱著稱於時卜築柳塘一時文會名流咸集

案漁莊潘檢閱希白萬厓溫州府志文學傳雍正浙江通志乾

隆永嘉縣志文苑傳並有傳江湖後集七載趙汝回奉歸柳塘

潘希白詩稿詩云纖柳縫花雅道衰將題錦卷復敲推夜寒吟

苦冰斲合境寂心融造化來斲石崑崙攜玉下乘槎河海到天

迴今時古調何人愛東野長江在夜臺則漁莊詩蓋學孟賈者

李氏

君錫

李宗禹襍藁

萬厓溫州府志十七

佚

案李常丞君錫萬厓溫州府志文學傳雍正浙江通志乾隆永

嘉縣志文苑傳並有傳

蘇氏景瑞文集

十二卷

千頃堂書目二十九宋史藝文志補
俞希魯至順鎮江志十九作十卷

未見

千頃堂書目二十九蘇景瑞文集十二卷永嘉人遷丹徒宋寶祐四年

進士入元不仕

素景瑞平陽人此云永嘉人者宋時
溫州人多自署永嘉用晉郡名也

寶祐四年登科錄第四甲第八十人蘇景瑞字國珍小名

小字

第六十三具慶下年四十八月二十三日子時生外氏項治書二舉

兄弟三人娶

曾祖世良迪功郎祖誼父文煥本貫溫州平陽縣親

仁鄉父爲戶

至順鎮江志十九蘇景瑞字國珍永嘉人徙居京口宋國學內舍生寶

祐四年登進士第授迪功郎萬安軍軍學教授官至朝奉郎太府寺丞歸附後杜門不仕自號芝山逸人卒年六十六有文集十卷

案蘇景瑞寶祐丙辰文天祥榜進士千頃堂書目宋史藝文志

補及雍正通志乾隆府志並作蘇景暉非也萬縣志乾隆平陽縣志選舉門不

誤阮元兩浙金石志十三載江湖偉觀咸淳八年六月銓試敘

拜題名亦有蘇景瑞足與登科錄及鎮江志相證矣

薛氏講雲泉詩

一卷四庫全書總目一百六十五

存江湖羣賢小集本

近世論詩有選體有唐體唐之晚爲崑體本朝有江西體江西起於變崑崑不足道也而江西以力勝少涵汎之旨獨選體近古然無律詩故唐詩最著世之病唐詩者謂其短近不過景物無一言及理此大不然

詩未有不託物而理未有出於物之外古人句在此而意在彼今觀三百篇大抵鳥獸草木之間不可以是譬也而人之於詩其心術之邪正志趣之高下氣習之厚薄如其所作無不呈露如少陵之詩而得其爲忠太白之詩而得其爲豪郊島之詩寒苦而其器必隘韋白之詩蘊藉而其情必遠自然然而初非因想而生見者昔坡公論六家書謂小人書字雖工而其神情終有盱眙側媚之態非獨作字爲然雖文皆然也故作詩貴識體尤在養性不養性則無本不識體則無法永嘉自四靈爲唐詩一時水心首見賞異四人之體畧同而道暉紫芝其山林閨閣之氣各不能捨雲泉薛君仲止以詩名於時本用唐體而物與理稱更成一家其人蕭散之際自有繩尺始而色其貌若生久而旨其味益洽恬靜不求本於天性未易以矯揉學者雖其詩未足以盡其人然必有人而後有是詩讀者當自得於言語之外云淳祐己酉五月日東閣

趙汝回序

四庫全書總目一百六十五雲泉詩一卷

編修汪如藻家藏本

宋薛嵎撰嵎字仲

止一字賓日永嘉人寶祐四年進士官長溪簿宋承五代之後其詩數變一變而西崑再變而元祐三變而江西江西一派由北宋以逮南宋其行最久而弊生於是永嘉一派以晚唐體矯之而四靈出焉然四靈名爲晚唐其所宗寔止姚合一家所謂武功體者是也其法以新切爲宗而寫景細瑣邊幅太狹遂爲宋末江湖之濫觴葉適以鄉曲之故初力推之久而亦覺其偏始稍異論吳子良林下偶談述之頗悉嵎之所作皆出入四靈之閒不免局於門戶然尙永嘉之初派非永嘉之末派錄之亦足備一格也

寶祐四年登科錄第五甲第三十八人薛嵎字賓日小名峽小字仲止第萬三永感下年四十五六月十日巳時生外氏陳治書三舉兄弟三

人娶林氏曾祖良逢祖紹中奉大夫父師武承議郎本貫溫州永嘉縣在城梯雲坊

案雲泉詩見宋本江湖羣賢小集凡詩二百七十餘篇其詩派出於四靈然在同時諸家獨爲後出故王松臺薛瓜廬墓誌未舉其名今集中所存詩多與宋飲冰劉荆山趙東閣潘漁莊諸人酬酢並永嘉勝流也又趙東閣別選雲泉與宋飲冰詩合名雙玉集今亦不傳雙玉集二十五卷別著錄

耕樂集

萬厯溫州府志十七

佚

清醒小稿

萬厯溫州府志十七

佚

王氏

皇

北山稿

萬厯溫州府志十七。乾隆永嘉縣志二十三作北山游集

佚

盛氏烈 峴窗浪語

江湖後集十一

佚

江湖後集十一 盛烈永嘉人有峴窗浪語

案盛烈事蹟舊府縣志無攷東甌詩集及厲鶚宋詩紀事亦並無其詩惟江湖後集載其詩十六首而題咏西湖者居其半疑永嘉人之僑寓臨安者

林氏公一 梅南集

三十卷

雍正浙江通志二百四十八

佚

林氏千之 雲根癡菴稿

萬厯溫州府志十七。續文獻通攷一百八十根作林雍正浙江通志二百四十八稿作集

佚

温州經籍志 卷二十三

案林知州千之萬厯溫州府志文學傳雍正浙江通志乾隆平

陽縣志文苑傳並有傳

劉氏

蒙川先生遺稿

宋史本傳東甌詩集三續文獻通攷一百八十千

四庫全書總目一百六十四

十卷

千頃堂書目二十九宋史藝文志補

闕

遜學齋藏明阮存編四卷鈔本樂

先伯氏蒙川先生少有志操刻勵清苦以成其學而惟孝惟忠雖流離

顛沛中亦未嘗忘於言其立身大節雖沒齒無愧怍也平生無他嗜好

惟殫精畢思於文字間凡所著述與諫坡奏牘微垣制藁經帷納獻

作獻納此

若干卷悉以自隨今皆散落不復見矣可哀也

寫本此下

夫廬室為煢幸而讀書之朝陽閣歸然於蒼梧間亦天也耶喜而為謁

記求當代之鴻師碩儒晨星稀矣惟息堂先生鄭公又赴蒲輪之召應

奎遂有請焉迺蒙念同年之舊思獻納之暇撫其寔而其文炳如也本寫

此下有奎每追念先生奎字寫本無不無遺憾乃於鉛槧散失之餘或得之

斷簡殘篇自鉛字至或字寫本或得之朋友記識若文若詩哀聚僅十

卷擺本作四卷此依寫本為蒙川先生遺稿以應奎年之既衰既衰寫本

聲形近而誤擺本年之既衰作既衰以朝露行晞何能廣索冥搜姑鈐諸梓以示

子若孫而朝陽閣記雖已刻於閣之楣矣今并入十卷之首擺本作并

所改夫文載道者也文雖不能盡得苟能僅存則道亦與之俱存庶乎

不與龍門草木俱腐焉爾大德辛丑歲上元日弟應奎端拜首書

有節義之士有文章之士節義之士不必以文章簪而性情所流露往

往非雕章繪句者所能及蓋清明剛大之氣有以植其本也吾樂當南

宋時名儒輩出而梅溪王詹事為稱首集中諸奏疏彈劾權臣指陳時

政迄今凜凜有生氣文章本於節義不信然耶後八十年而蒙川劉先

生出焉節義不讓梅溪而境之艱阻有甚焉者蓋宋自寧宗後宗社大事一壞於韓再壞於史三壞於鄭安晚之再相四壞於丁大全之專權一時狡險之徒方附影希風觝排善類累朝養士之澤銷磨殆盡矣先生以太學生伏闕上書數痛哭流涕而言之畧無畏阻卒之身遭貶謫屏跡南安其始境之艱如此厥後覲出霰消賜環歸國中年通籍時事日非雖嘗出領郡符入司銓柄而半閒堂氣焰方張終不得少行其志迨奉諱還鄉讀祭禮未終宋社已屋毅然赴國難閒關數千里扶持幼君崎嶇嶺海閒遂賣志以歿其晚境之艱又如此後之人因先生之境而考其詩文由先生之詩文而觀其節義有杜老之悲吟而此字寓諸今補香山之諷諭有宣公之懇摯而濟以南豐之和平非學養兼至其孰能與於斯椿嘗伏讀史書竊歎寶祐六君子以直諫得名其始終一節事與此舉相稱者獨有先生不幸適時之危忘身殉國學問闕而未發

經猷鬱而不光平生著作僅有流傳然皆掇拾於秦灰楚焰之餘存什

一於千百以視梅溪之所遭夷險有不同而顯晦因之矣梅溪集屢經

梓行而蒙川遺稿十卷板已久佚邑竹嶼劉君樂亭永同叔璞嶼希兄

校亭永弟心田獻之永葭湄與同族大橋頭西山廣等謀付梓人

樂亭心田恂恂儒雅於蒙川爲賢子孫於樂邑爲名茂才可於此舉徵

之而西山之勤贊其成亦有足稱者椿榦材庸學獲與校訂因葺先生

年譜并疏當日立朝大節并諸簡端俾讀先生書者知其節義發爲文

章益信其清明剛大之氣與梅溪有同揆也是亦知人論世之一端也

昔咸豐七年丁巳季夏月邑後學林大椿恆軒拜手撰活字本

四庫全書總目一百六十四蒙川遺稿四卷浙江鮑士宋劉徽撰徽字

聲伯號質翁樂清人溫祐初以試入太學伏闕上書攻丁大全送南安

軍安置大全敗後召還廷試又以對策忤賈似道復爲所抑後由昭慶

軍節度掌書記除學官擢御史累官至吏部尙書遭母喪解官遂不復起會朱亾二王航海歿追從入廣至羅浮而卒謚忠肅所著有諫坡奏牘薇垣制藁經帷納獻諸書航海時挾以自隨遂散落不存此詩文殘稿四卷乃其弟應奎所裒集也轍危言勁氣屢觸權姦當國家板蕩之時瑣尾流離抱節以死忠義已足不朽其詩亦澹古淡泊雖艱於風會格律未純而人品旣高神思自別下視方回諸人如鳳凰之翔千仞矣惟傳鈔旣久文多譌脫更無別本可校爲足惜耳卷首有應奎序作於元大德中又有鄒滁孫朝陽閣記一篇閣爲徽山中讀書之地徽歿後舊宅盡燬惟是閣尙存故應奎屬滁孫爲之記云

四庫全書簡明目錄十六蒙川遺稿四卷宋劉黼

諡謚集忠肅之名中興館閣續錄九千

頃堂書月二十九補宋史藝文志並作黼此亦沿其誤

撰其弟應奎編黼觸忤權姦再遭挫折卒

以追隨故主身隕海濱所著作散落鯨波不可復得惟此殘稿僅存其

詩多規仿陳子昂體雖格律未純而人品既高神思自別下視方回輩背主求榮如鳳皇之翔千仞矣

案蒙川遺稿據忠肅弟應奎序本十卷宋史本傳千頃堂書目

補宋史藝文志所載並同今所見舊鈔本四卷卷首有弟山中

劉應奎成伯校正後學阮存存畊編次二行阮存萬厓溫州府志宦業傳有傳載

其字日以禮存畊或其別號蓋明人所刪經義攷七十一載忠肅太極說一

篇又一百六十一載忠肅中庸大學說二篇並注載蒙川集又

二百十三載蒙川集目錄中有濂溪論語序文濂溪論語寔濂溪洛論語之誤辨

詳十二卷濂溪洛論語下今本並未見則其佚者多矣至文閣閣傳鈔本

與舊鈔本又小不同如於各卷首葉刪校正編次兩行而別題

宋劉某撰遂使明人重編之迹不可復辨字句異同尤不可枚

數樂清劉氏別有擺本大致與閣本同未有補遺凡文六篇

爲望雲寮記論經界自寔疏上理宗皇帝書乞罷言職狀諫游

幸疏慶元府勸農文

此篇原注黃原泉錄至

則舊鈔本及

閣本所無而

鈔本卷四從姑劉氏墓誌後尙有賈鎔鏡墓誌銘一篇卷末題

蒙川先生遺稿四卷終一行後又有殘字六行奪佚過半不可

句讀大約似釋蒙川之義 閣本及擺本又復無之明代舊槧

今既未見各本違異之故所未詳也

又案遺稿三哭蓺堂湯先生詩注卽今縣中湯

鈔本缺二字

祖從祀

鄉賢祠又游興教寺詩滿亭燦燦木芙蓉疑卽萊伯鄧耕欄注

耕欄事用誤東坡謫惠陽屬嘉祐寺種樅樹耳

案鄧肅號耕欄有耕欄先生文

集二十五卷今存其事蹟見宋史三百七十五此注乃以不誤爲誤

並非忠肅自注疑卽阮存畊

所加也

問梅集

續文獻通考一百八十

佚

陳氏

佚

及春稿

清穎源集一

佚

清穎一源集一陳俱字居敬號杏所隱居不仕簪有詩集曰及春稿

孔氏

夢斗

愚齋集

乾隆溫州府志二十七

佚

宋氏

慶之

飲冰集

東甌詩集二作飲冰詩集萬姓統譜九十二作飲冰文集今從雍正浙江通志二百四十八

十四卷

萬姓統譜九十二

佚

萬姓統譜九十二宋慶之學廣聞多文辭典贍有數百篇清新聞遠得

風雅之趣有飲冰文集十四卷

案飲冰原作引水誤今改

林氏

一龍

石室文集

續文獻通考一百八十

溫州經籍志

卷二十三

佚

萬姓統譜六十九項公悅字無欲永嘉人知侯官縣會歲旱禱雨瑞澤潭在萬山頂披棘徒行烈日中數十里下山驟雨隨往兩晝夜歲稔而公悅病渴矣病革家人環泣問以身後不應再問瞪目曰某囚疑未判某事未能圓一語不及私林石室銘之曰以死救民誰則有此循吏之傳執筆就書

案石室林祕書一龍萬厓溫州府志文學傳雍正浙江通志乾隆永嘉縣志文苑傳並有傳

薛氏

荷渚詠史集乾隆平陽縣志十九。雍正浙江通志二百四十八。乾隆溫州府志二十七。並無詠史二字。

佚

蘇大年後序士大夫學聖賢之學以天下事任之於己其存心立志何嘗一日一時忘天下生民也哉雖世有治亂時有否泰士有遇有不遇

而其志則確然不可移也已此忠臣義士所以樹立人極扶持世教者然也豈以世有治亂時有否泰身有遇有不遇而變易其初心哉嗚呼士不幸而生于季世天命窮矣世運去矣國祚終矣人心離矣煢煢一身望洋四顧將如之何獨有撫膺悲慟含哀茹苦以自摧感而已於戲可哀也夫宋進士永嘉薛壯行先生出王龍澤榜下登第晚與權臣不合獨居鄉里坐視宗社化爲丘墟而不能救其悲憤怨苦無聊之懷鬱積而不能發遂爲詠史詩若干首以寫其平生耿耿之萬一蓋其心未嘗一日一時忘天下生民故也先生學造精微豈不知空言無益于世事而卒不能默默忘情于言者蓋不甘與草木同歸于腐朽與異類同流于漸盡而無補于人極世教故云爾然則觀其詩者又可以章句篇什體製高下美惡論之乎且聞文山文忠公蹈海時過永嘉與先生相見握手痛哭而別先生之心槩可知矣嗚呼先生今日矣夫至正二十

有一年會其湖陽宗孫鮫川山長元宰于海上以吾友鄭君天趣鄭君

季明咏史詩二序出示予從予遊者再月請予爲後序予何入斯其敢

不爲先生一言以開豁先生心胸之未白者乎故述所見以爲序

乾隆平陽縣志十九

案薛連江魁祥萬厓溫州府志隱逸傳乾隆平陽縣志介節傳

並有傳萬厓府志雍正通志乾隆縣志選舉門並作陳魁祥縣志人物門亦同未知孰是

林氏達麓草塘集續文獻通考一百八十一塘作堂

二十卷萬厓溫州府志十七乾隆平陽縣志十九作二十八卷續文獻通考一百八十一無卷數

佚

古論

一卷萬厓溫州府志十七乾隆平陽縣志十七作十卷

佚

案草塘林太學逢龍萬厓溫州府志忠節傳雍正浙江通志乾

隆平陽縣志忠臣傳並有傳

鄭氏棲翁續古襍著

二卷

齊山集五千頃堂書目二十九宋史藝文志補。雍正浙江通志二百四十八乾隆溫州府志二十七乾隆平陽縣志十九並

作三

佚

厚倫詩

乾隆溫州府志二十七詩作書誤今從齊山集五千頃堂書目二十九宋史藝文志補

一卷

齊山集五千頃堂書目二十九宋史藝文志補

佚

初心齋集

萬厓溫州府志十七。乾隆溫州府志二十七集作詩

佚

朱氏

缺名朱景元詩集齊山集五

佚

林景熙序文有緒宋氏自學稼公嗜古而文苗焉其子潛室秀於鄉至雲海少師乃碩其穫厥後平齋西廬諸老茂學摘詞不以水旱輟耕繇是先疇日益闢今芹渚翁字景元則其九傳也僕解褐歸往謝渭陽族楹連桷比皆絃誦聲翁在諸舅中意氣疎爽與僕上下議論一何壯也陵谷後十年復見翁兩鬢蕭颯道舊事如夢問絃誦之地則葵麥離離矣或謂翁熏鑠憂患必且卑貌孫言求與時偶而翁固不然暇日出詩示僕曰比十年閒感慨之作也意所欲宣伸紙縱筆不復有所揀避子爲我評之僕端讀盡卷毛骨立起而知翁方寸之耿耿者以恙然則詩中有史固不使石壕吏廬子關等作得以獨雄千古也文之緒有自來矣齊門好竽楚國多狗其卷而懷之以俟有千載心者

雲山集五

案宋芹渚名無攷蓋宋侍郎之才後人雲海卽侍郎別號林敘

稱爲少師或追贈之官然無可攷平齋西廬諸老亦無所見

林氏 景熙 白石藁

十卷 呂洪霽山文集後

闕 霽山文集本存二卷

白石樵唱

六卷 章祖程白石樵唱注敘

存 霽山文集本并爲三卷

霽山林德暘 蛟峯集四雁蕩林霽山詩集序作陽下同前釋褐此二字 進士也壯年英華

果銳之氣無所於託如水發洪源木梗石捍而借詩以鳴之有 蛟峯集以上十

六字作瑤瑰玉佩大 一編屬朋友胡汲古 二字蛟峯集作天放 轉致石峽山中請

予評 此下蛟峯集有之字 予惟詩所以道性情 此三字蛟峯集作言志二字 蓋直洩其中之蘊

而無待乎外者然而騷人文士之 蛟峯集作於 得意處每日神助殆思與景

遇以草木禽魚皆吾性情所寄以發

以上十八字蛟峯集作蓋風光霽月有以發之然後勃勃有奇氣十

六唐此下蛟峯集

張燕公守岳陽而詩益淒惋

此下蛟峯集有蓋字得江山助也

德暘自雁蕩游會稽禹窆荒寒雲愁木愴憑高西望

蛟峯集無此十錢二字有而字

塘潮汐之吞吐吳山煙霏之舒卷紛惑互發凡以寫我鬱陶者何限

集以上九字作臨望兮咫尺縹緲兮余懷所以觸其情發其惑者朝朝暮暮無日無之二十七字

故其詩蛟峯集淒惋

而悠以博微以章

蛟峯集無而字悠以博作夷以遠微作闊

宛然六義之遺音非湖海嘯吟

風月而已

以上十六字蛟峯集作率有古意非湖海吟笑而已矣十二字

於詩家門戶當放一頭因書

卷端以歸之蛟峯居士方逢辰君錫序

何夢桂序永嘉同舍郎霽山林德暘不遠數百里寄詩冊屬嚴陵潛齋

何某商略近詩三復唱歎竊於詩之變而有感焉方庠序群居高談闊

論不過頌猗那歌清廟誦魚麗天保鳧鷖既醉之什變風變雅不忍言

之矣況復齒及魏晉陳梁以下窮苦愁怨等語如細夫賸人羈旅寡婦

之爲者相望十年間而士大夫聲詩率一變而爲窮苦愁怨之語而吾
霽山詩亦若此世喪文邪文喪世邪古今以杜少陵詩爲詩史至其長
篇短章橫鶩超出者多在流離奔走失意中得之霽山詩僅見三十篇
其辭意皆婉婉悽惻使人讀之如異代遺黎及見渭南銅盤長安金爵
有不動其心者哉夜半壑舟有力者負之以去飛鴻印雪爪距儼然吾
是以重有感於霽山之詩也吾是以重有感於詩之變也時至元丙戌

夏五望前三日序

潛齋文集五永
嘉林霽山詩序

霽山先生集

五卷

四庫全書總目一百六十五國史經籍志五
千頃堂書目二十九宋史藝文志補並作十卷

存

康熙癸酉江士銓刊本
鮑氏知不足齋叢書本

予平陽素稱文獻之邦騷人墨客義士忠臣無代無之宋淳祐壬寅挺
生林先生諱景熙字德陽號霽山居州治後白石巷別墅在城西趙與

馬鞍山之麓予今所卜築卽其故址也咸淳辛未先生上舍釋褐授泉州教官歷禮部架閣轉從政郎適元勝宋遂不復仕恆與同舍生邑人鄭樸翁輩私相嗟悼以不能死國難報君恩爲愧丙子元兵破杭有楊總統盡發越上宋諸陵墓棄其遺骸於草莽中人莫敢收先生在越痛憤不已乃與樸翁佯爲采藥偕行陵上以草囊拾之盛以二函託言佛經埋瘞越山植冬青樹以志之而哭之以詩旣而返於故鄉隱居別墅研窮經史摘繪文章教授學徒其忠義之懷每形諸言辭閒道德之士聞其風者罔不敬仰識與不識咸稱霽山先生時爲會稽王監簿延致與尋歲晏之盟於是往來吳越殆廿餘年戊申歲歸自武林感疾迫庚戌冬卒於家享年六十有九所著文十卷曰白石稿詩六卷曰白石樵唱一皆本於忠義之所發越傳誦江湖膾炙人口歷歲滋久頗多散亡乃者致政大尹葉公衡出示先生白石樵唱始末俱全予又於元音中

得先生讀文山集一詩仍檢閱家藏舊書僅得先生白石稿中記序賦
銘而下凡若干篇其他製作迄無尋究予懼歲月愈久散亡愈多輒敢
僭踰正其亥豕釐爲五卷總爲一帙題曰霽山先生文集將鈐諸梓以
廣其傳俾人人得以誦習詳玩庶幾先生忠肝義膽耿耿不磨也竊嘗
思之予不幸而生於先生百年之後勿克覩其容儀親炙其教誨猶幸
而嗣居先生藏修之地得以仰其高節覽其遺文此於逸稿予不得不
爲先生輯也若其詩句之高古文辭之典麗自有諸先正之首引暨夫
知言者之評論有不待予贅辭姑序其出處作述大畧云時大明天順
七年癸未三月下浣穀旦賜進士文林郎廣東道監察御史後學呂洪
書

霽山林先生宋度宗咸淳辛未太學釋褐溫之平陽人也官止禮部架
閣轉從政郎時宋爲蒙古侵逼狩閩海已不可爲國先生遂引歸晚與

會稽胡汲古輩尋歲晏盟終於武林是集其所箸者也舊名白石樵唱
梓行者表以今名欲觀者見其名卽知爲先生箸也先生爲詩文刻意
尙志要不徒作方蛟峯諸先生品評已有定論茲不復贅按先生當宋
帝昺祥興元年蒙古以西僧楊璉眞珈總攝江南釋教於是年十二月
入紹興利宋攢宮金玉盡發諸陵及大臣冢墓凡一百一所又欲哀諸
陵骨襍牛馬枯骼爲鎮南浮屠先生與嘗所交會稽唐珏初不相謀各
私痛忿貨家具行貨得白金爲酒食陰召諸惡少泣曰爾輩皆宋人豈
忍陵骨暴露已造六石函各記年一字爲號自思陵以下欲以他骨收
殮眾咸感諾搗函如言收取葬蘭亭山移宋故宮冬青樹植以爲識此
元陶九義輟耕錄今續編綱目及史會編諸書備載可信但綱目會編
獨采唐事而遺先生而輟耕錄則又唐林具載而加詳蓋九成去唐林
稍近且悉有所本又按九成載唐事間有詩而篇少於林恐唐于葬後

嘗誦林詩於相知故聞而述之者遂以爲唐之詩且嘗別攷皇明文衡
所載張孟兼唐珏傳言葬骨初不及詩此亦一證也始予藏書頗多先
生集殊未之見江陵東墅居士毛秀未仕時嘗得舊刻本甚重先生高
義閒有手批註遺予乞重梓行以表暴于世予額而快閱之并旁考諸
書見其高義真有出於千古之上者乃撫卷嘆曰嗚呼宋室何以養士
致旣以而獲忠義之報至枯骨耶由宋而上而唐而漢而三代季世僅
寥寥一見者也先生真千古之大義士哉安得顯徵闡幽執衮鉞之筆
以先生及唐義士之事建白于時崇獎大義封之高爵比之祭法徧立
祠於帝王園陵所在歲時崇祀以爲大義之勸用代宋諸陵銜報無窮
之報與嗚呼曠世相感聖明之朝主張名教者布滿在列必有起而爲
之者矣因序其集姑書以俟嘉靖七年歲舍戊子冬十一月朔遼藩光

澤王書於博文堂之梅南深處

明遼藩光澤王刊本

昔劉夢得序柳州集謂八音與政通文章與時高下其信然哉然世
有特立之士其時所遭雖沈淪拂鬱而其氣與詞則矯然有以自見斯
又係其人之所養有不可以例觀者宋自熙豐以及元祐天下不可謂
爲盛治要之綱維振挈禮法修明海宇號爲寧輯當時忠賢輩起相與
伸其正議以傾乎黨比其治弛而復起颯颯乎大音斯振文詞宛然爲
一王法逮于宣和靖康國事日非其文遂不復如往時之盛南渡偏安
乾道紹嘉之間顧道明于下而經世之文出然所謂以文爲專業者已
兆繁蕪琢削之病淪胥於咸淳德祐而極矣蓋權檢嗣政而勢與國爲
存亡拯天下之元氣而消磨之士之懦者失其守矯厲者決於遜昌詞
廢而私論作文烏得而不降哉而雕繪鍛鍊之餘尖新巧怪之習成譬
之年不順成布帛穀菽之資乏絺緼海錯彙然而前陳宋末之文類如
此而終有不可廢者噫是孰使之然哉其間如禮部架閣霽山先生林

德陽氏者當孤窮擯棄之日斂其蘊蓄而從事乎文夷然自放不怨不尤往來平陽陶山之間自託宋之遺民佗日結客舉義潛易諸陵遺骸俾脫裔戎之禍噫先生真烈士哉吾嘗讀其冬青諸作未嘗不泫然而悲之而壯先生之行也已丑冬予奉使永嘉知先生爲郡之平陽人欲編索其文以觀邑人葉舜華以家藏章祖程集注先生舊刻遺稿以獻予得而卒業焉蓋雅健清嚴具合矩度一洗當時之習尙殆有盛際之風而所謂冬青之句僅見耳又怪先生所值之時下而其氣與文顧獨完厚如此是難能也詩凡若干首文若干篇總之爲十卷視舊刻加精焉郡守丁侯黈白謂走不可無言於簡首而令尹馮君用先乃復欣然承命指俸入梓予因之重有感焉嗚呼忠義之士其氣概徹穹昊貫金石言之行世愈遠常新單詞半簡如金晶犀貝世皆得寶愛之豈患其不傳耶先生之文是已然必舉其文盡行之於以見宋季之未嘗無士

先生之詞非徒工於悽惋之作文固有不以時勢爲高下者亦足以發論文者之端此刻者之意也顧今有司非職令所及者鮮加之意而一時守令之賢其景賢右文之志如二君者斯可謂賢也已時嘉靖庚寅

吳下張寔書

乾隆平陽縣志十九

西涯翁擬古樂府詞載霽山氏夢中紀冬青詩悽惋悲慨予讀而哀之恨不得觀其全帙爲歎己丑竊官平陽道出縉雲適石川張先生奉使返自永嘉邂逅閒進予曰君知平陽平陽有義士林德陽者宋陵遭毀糾義收瘞節可嘉也文詞雅正不事雕刊學可錄也闔停沈鬱爲日已久闡而揚之有司賞也余曰特非夢中諸作乎余高其人久矣夫何辭旣抵泊閱月卽訪其稿得善本於民間因釐正梓之而石川君亦寄其所錄者至嗚乎霽山氏其尙不泯哉宋當易命元政方殷頑鄙庸遜者尙復希進日故都猶傳舍誰復顧之霽山氏痛國淪夷求無死所遂逃

名當世依託山水閒以詩文自況甘爲宋室遺民無悔言者旣而寢園
遭禍卽奮身糾義託名採藥收遺骸而葬諸樹以冬青作詩紀之其忠
義爲何如昔淵明不仕宋綱目大書彰世教也及觀淵明諸作託情述
志掇雅摛騷達天知命之詞多悼國懷君之念少後世推評至重亦尙
夫其人耳若霽山氏命詞得句不忘宋室體裁格韻兼致風雅正綱常
辨夷夏吐心志傷今懷古達諸黍離無愧焉余敢妄評其人行義類豫
讓而時則違之晦跡似淵明而忠則著焉悲憤似離騷行不傷於激而
貞可教焉其亦聞首陽之風而興起者歟惜乎生於極浙行寔少著於
天下故史氏失傳而人鮮有知者余今承乏是邑敢以庸鄙自委而沒
霽山之節哉用是重刊斯集俾傳廣於天下使後世有史筆繼綱目者
出當必爲霽山氏表揚矣書以俟嘉靖辛卯春三月海康馮彬書

縣志
十九

宋林霽山先生白石樵唱方蛟峯謂詩家門戶當放一頭曩從遺民錄
讀其選本慨然想見其爲人歲壬申春從余邑大令武密斬公處得其
全編公欲授梓屬爲校讐會刺史固原限期敦迫不果發行遂以鈔本
見貽攜其全帙以往今年春五鹽沈君天士移書相告以宛陵梅君雪
坪手授此集將從事於剞劂郵詩相示有五體願投牀下拜野夫甘作
老頭陀之語予爲之心動適仲秋有事石城與友人吳子綺園東岩刻
之白下沈君手自校定會梅君雪坪亦至爲言街南吳先生向有同志
固請兩君並序之書成將寄高平靳使君見吾黨有心人不少也沈君
爲崑銅先生難弟有五鹽耑集行世康熙癸酉古歙後學汪士鋐識

汪士鋐
重刊
本序

按遂昌鄭元祐書林義士事跡云霽山當楊總統發陵時故爲杭丐者
背竹籬手持竹夾遇物卽以夾投籬中林鑄銀作兩小牌贈西番僧曰

餘不敢望收其骨得高家孝家斯足矣番僧左之果得高孝兩朝骨
爲兩函貯之歸葬於東嘉其詩有夢中作十首僅得其三日一坏未築
珠宮土雙匣親傳竺國經只有東風知此意年年杜宇泣冬青空山急
雨洗岩花金粟堆寒起暮雅水到蘭亭更嗚咽不知眞帖落誰家喬山
弓劍未成灰玉匣珠襦一夜開猶記去年寒食日天家一騎捧香來詩
在當時已以其七而白石稿中尙存其十之四多寡不符字句復異是
當時傳之者固已訛矣其冬青花一首卽今集中詩也又一首曰君不
記羊之年馬之月霹靂一聲山石裂而羅雲溪所爲唐義士傳則專以
瘞骸屬之唐珣而不及先生且載入夢中四絕句與白石樵唱所載一
字不易何耶又有冬青行二首結云君不見犬之年羊之月霹靂一聲
天地裂三句又與林大同小異安有一人之詩林傳其三唐傳其四耶
又安有一題之作於唐爲結句於林爲全章耶陶九成輟耕錄引羅鄭

二家之說唐林互載各不相蒙余按唐珣初無詩集可據而宋遺民錄及金華張孟兼誤珣傳亦未嘗言珣有聲于詩惟林集中有荅唐玉潛七律一首則珣亦能詩者世固不之傳也夫當時玉步初更唐與林或各行其志或合謀其事必皆潛匿不肖明言而當世道其事者因並傳其詩或逸其半於殘篇斷簡之中或隱其名於鄉里傳誦之口故以林詩而入唐傳容或有之而明憲宗時續編資治綱目遂獨載唐事絕無一字及林余甚惜林君以千古之義士發爲詩歌而後人卽借其詩以屬他人至使名儒忠憤之事反晦於傳疑者之手不深可悲乎哉今年春武密斯公出其全帙屬予授梓遂與沈君天士吳君晴岩梅君雪坪汪君榮亭閔君賓連及予姪瞻泰相與讐訂因旁搜往帙附載鄭遂昌事跡一則陶九成輟耕錄一則孔希晉詩跋一則以補原集之缺而並使先生之節概不爲唐君所掩亦庶幾闡揚之一端也夫康熙癸酉欽

州吳荪識

汪士鉉重刊本序

舜山先生宋末名儒爲詩沈雄悽惋忠憤之氣無所於託而卽物比興以洩其胸中之蘊固不徒以騷人文士目之也賀裳載酒園詩話云嘗嘆詩法壞而宋衰宋垂亡詩道反振讀林詩眞令人心眼一開可謂知林詩者已元統閒章和父爲之補註而詩益傳元明以來屢經剗削多所發明後有毛君秀槩本經百餘年復散佚余從諸君校訂其詩而因有疑於其事者四焉按元世祖紀至元二十一年九月以江南總攝楊璉眞珈發宋冢所收金銀寶器修天衣寺續資治綱目載唐珏收葬陵骨事分註於宋帝昀祥興元年戊寅十二月下考之編年甲子至元二十一年爲甲申非戊寅而宋祥興元年戊寅則至元十五年也羅有開唐義士傳載爲戊寅十二月十有二日楊璉眞珈帥徒役頓蕭山發趙氏諸陵寢其載唐珏詩曰犬之年羊之月霹靂一聲天地裂而鄭元祐

書林義士事蹟載林詩又曰羊之年馬之月霹靂一聲山石裂合兩詩觀之與戊寅不合謝翱冬青樹引云知君種年星在尾註星在尾者歲在寅也其爲戊寅無疑又考周密癸辛襍識至元二十二年乙酉八月楊髡發甯宗理宗度宗楊后四陵刦取寶玉極多至十一月復發徽欽高孝光五帝陵孟章吳謝四后陵而宋金華文集則亦載爲乙酉正月其歲月之不同如此疑一羅有開張孟兼著唐珣傳皆唐貨家具招里中少年往收遺骸鄭元祐則言林爲杭丐者鑄小銀牌賄西僧收高孝兩朝骨爲兩函葬之章祖程註白石樵唱又云楊總統盡發越上宋諸帝山陵取其骨渡浙江築塔於宋內朝舊址其餘骸骨棄草莽中人莫敢收適先生與同舍生鄭樸翁等數人相率爲採藥者至陵上以草囊拾而收之考輟耕錄唐林互載各不相蒙惟明初孔希普跋謝翱冬青引有云林嘗與唐珣收宋遺骸於山陰種冬青樹其上刻誌有丙之年

子之月冬青花不可說之句唐林合稱自孔君始亦不知其何所據也
又謂先生乃王修竹門客與珏所爲王蓋與知之似乎王與唐林共謀
而元人張丁跋冬青引謂聞之黃文獻曰楊總統發宋攢宮越中王修
竹出金帛與諸惡少夜往收貯遺骨是又專屬之王監簿矣會稽楊維
禎弔謝翱文有曰異日楊璉發陵事翱有陰移冥轉之功則似翱亦與
其謀惟癸辛雜識載楊髡發陵起於天長寺僧聞成於演福寺僧澤拙
時有中官陵使羅銑者守陵不去力爭爲澤痛錘以刃逐之遂先啟甕
理度及楊后四陵理宗陵初啟時有白氣貫天理宗之尸如生其下皆
藉以錦錦下承以竹絲細簾一小廝攫取擲地有聲乃金絲所成或云
含珠有夜明者乃倒懸其尸樹閒瀝出水銀三日竟失其首事竟羅陵
使買棺製衣收斂大慟垂絕至十一月復發徽欽高孝光五帝及孟章
吳謝四后陵徽欽二帝皆空無一物徽陵有松木一段欽陵有木燈一

枚而已高陵骨髮盡化止存錫器端硯硯爲澤所得孝陵亦脫化無餘
止頂骨小片內有玉爐瓶一副古銅鬲一隻若光陵與諸后宛然如生
羅陵使亦如前棺斂後悉從火化又無所謂唐與林者其收葬人名不
同如此疑二張孟兼傳唐珏收葬蘭亭山鄭元祐事跡則爲林歸葬東
嘉地不同疑三且唐造石函六刻紀年一字爲號自思陵以下隨號收
殯林則止收高孝兩朝骨有雙匣親傳竺國經之句而周密襍識則紀
帝后陵其十有三其數不同疑四然而唐林合謀則確有可信者予則
徵之冬青以爲證夫使唐與林各行其志何以樹冬青爲識不謀而合
且雲溪爲唐傳有冬青行二首林集亦有冬青花一首謝翱晞髮集有
冬青樹引別玉潛詩而林集亦有酬謝皋父見寄詩末云餘哀散林木
此意誰能知夜夢繞句越落日冬青枝數人之詩皆託冬青以見意如
出一手蓋當時林與唐與謝皆忠義之儔相友善而王修竹又招致賢

士爲歲晏之盟此數人者必同與斯謀而潛踪畏禍皆不自言故當時傳之者往往不同至於詩歌感慨激昂則有不能掩者若以林詩而入唐傳且并林事而遺之以爲信史豈不使乾坤正氣之士埋滅於荒榛蔓草中乎余故序其疑復核其信以俟博古者采而論列之云康熙癸酉新安吳瞻泰謹識

汪士鋐重刊本序

齊山先生以忠義之氣發爲詞章聲情鏗逸音節悲涼足以淩金石而泣鬼神元統甲戌崑陽章祖程爲之評註頗能得其用意所在明天順閒鄉人呂洪綴緝墜亡編詩若文爲五卷始大行於世迄今垂五百餘年代有傳刻殆天留以續屈子離騷杜陵詩史豈偶然哉惜嘉靖中遼藩光澤王重刊刪除章註時馮彬亦有刊本則又任意割裂失其本真幸章註賴以獲全是亦不爲無補耳至我朝吾鄉汪士鋐復據遼藩本開雕而世漸不知有章註矣予祖通介老人嘗讀而病之暇時盡出藏

本命正言參校刻入叢書既竣謂正言曰先生孤忠亮節自在天地間
不必以詩傳卽詩亦何必藉我以傳所以區區爲此者庶幾崑陽之註
或由此不致泯沒爾卷後補遺詩文四首乾隆庚辰永嘉張潛哉先生
鈔贈潛哉以平陽久無其書從予家鈔錄以歸將壽諸梓別後不復相
聞忽忽已五十餘年矣汝其均爲我識之正言承命謹誌時嘉慶十五
年歲次庚午七夕

鮑廷博
刊本跋

宋林霽山先生詩文集五卷明天順間鄉先生監察呂公洪所刻歲久
版已散失璠幸生霽山舊里復後呂公居趙奧別業遺址寤寐流風夙
欲重鐫其集蒐輯彙載塵始成編又苦無善本可覆校迄未授梓今秋
至武林聞歛西鮑淦飲先生彙刻霽山集於知不足齋叢書因急買舟
訪先生於青堆寓廬索書見示則已裒然成帙矣紬擷之下竊嘆先生
以番番黃髮猶復好古不勌而璠蓄志有年仍瞠乎先生之後爲可媿

也卷末有先生文孫跋言乾隆庚辰有永嘉張潛哉先生曾以平陽久
無霽山集從先生家鈔錄以歸將壽諸梓之語璠讀次因語先生潛哉
名綦毋平陽明經非永嘉人也生平好古工吟咏今歿已久所鈔錄霽
山集亦散佚無存矣相與歎息久之遂語璠云余於是書五十年前曾
於潛哉有重刻之約今書適成而子於千里之外復不期而會且皆霽
山鄉人足見文字因緣子盍爲紀其事璠自念有志未逮今幸觀是刻
之成霽山忠義之氣既不墜於地而璠之夙志亦藉以償矣因不辭固
陋謹述一時欣慊之懷而爲之跋嘉慶十有五年八月望後日後學蘇

璠謹誌

鮑廷博
刊本跋

四庫全書總目一百六十五林霽山集五卷

浙江巡撫
採進本

宋林景熙撰景

熙一作景曦字德暘溫州平陽人咸淳七年太學釋褐官禮部架閣轉
從政郎宋亡不仕會札木揚喇勒智

原作楊璉真
今改正

發宋諸陵以遺骨建

鎮南塔景熙以計易眞骨葬之其忠義感動百世然諸書或以其事歸唐珏今考此集載夢中作四詩與諸書所載珏作同珏他詩不概見而此四詩詞格寔與景熙他詩相類且雙匣親傳竺國經句與景熙葬高孝兩陵之說合與珏同葬諸陵之說不合考集中有和唐王潛一詩王潛卽珏之字則二人本屬舊友或當時景熙與珏共謀此舉其事祕密傳聞異詞遂譌以爲珏作也所箸有白石稟十卷皆其襍文又有白石樵唱六卷皆諸體詩元統甲戌崑山章祖程爲其詩集箋註傳本僅存其文集遂就散佚此本乃明天順癸未其鄉人監察御史呂洪所編以章祖程所註詩集併爲三卷增以元音所錄讀文山集詩一篇又摺摭遺文得記十四篇文一篇序十三篇墓誌六篇銘一篇釐爲二卷嘉靖戊子遼藩光澤王得江陵毛秀校本重刊附以秀辨證一篇於白石樵唱卷一卷二卷三白石稟題卷四卷五書名各別而卷數相屬驟閱之

似白石彙佚其前三卷者殊不了了 國朝康熙癸酉歙縣汪士鋐等重刊乃總題曰林霽山集較有體例今用以繕錄焉

四庫全書簡明目錄十六林霽山集五卷宋林景熙撰原本殘缺此本乃明天順中呂洪所編凡詩集三卷附以元章祖程註猶白石樵唱之舊本文集二卷則白石彙散佚之後掇拾而成也景熙收宋陵遺骨忠義之風震耀百世其詩文風骨高秀亦宋末所稀

鄭元祐遂昌山人襍錄宋太學生東嘉林景曦

案曦當作熙

字齊山當時楊

總統發掘諸陵寢時林故爲杭丐者背竹籬手持竹夾遇物卽以夾投籬中林鑄銀作兩許小牌百十繫腰閒賄西番僧曰餘不敢望收其骨得高宗孝宗骨斯足矣番僧左右之果得高孝兩朝骨爲兩函貯之歸葬於東嘉其詩有夢中作十首其一絕曰一坏未築珠宮土雙匣親傳竺國經只有春風知此意年年杜宇哭冬青又曰空山急雨洗岩花金

粟堆寒起暮鴉水到蘭亭更哽咽不知眞帖落誰家又曰橋山弓劍未
成灰玉匣珠襦一夜開猶記去年寒食日天家一騎捧香來七首猶淒
然則忌之葬後林於宋常朝殿前掘冬青樹一株植於兩面土堆上又
有冬青花一首曰冬青花冬青花花時一日腸九折隔江風雨晴影空
五月深山落微雪移來此種非人閒曾識萬年觴底月後忌之又一首
有曰君不記羊之年馬之月霹靂一聲山石裂聞其事甚異不欲書若
林霽山者其亦可謂義士也已

東甌詩集五林景熙字德陽號霽山平陽人元兵發宋諸陵棄其遺骨
人莫敢收先生在越佯爲采藥以草囊拾之又聞理宗顱骨爲北軍投
湖中以錢購漁者舉網而得之乃盛二函託佛經葬於越山植冬青樹
志之而忠憤形諸賦咏所著有白石樵唱集

案霽山林架閣景熙雍正浙江通志義行傳萬厯溫州府志忠

節傳乾隆平陽縣志忠臣傳並有傳所著襍文曰白石橐明時
已不存惟詩六卷曰白石樵唱者尙有傳本天順癸未平陽呂
洪輯其佚文并白石樵唱釐爲五卷刊之後遺潘光澤王及
國朝汪士鋐皆爲覆梓嘉靖庚寅邑令馮彬又別編定爲十卷
焦氏經籍志及千頃堂書目所載殆卽其本 國朝鮑廷博復
以各本合校付刊其本最爲精備後增補遺詩文六篇則平陽
張歲貢綦毋所鈔補也霽山風節冠世其詩格律高秀尤足洗
宋末江湖詩派之淺俗其拾宋陵遺骨事章祖程白石樵唱注
及鄭元祐遂昌襍錄所載甚詳羅有開唐義士傳陶宗儀輯張
孟兼唐珏傳明文衡五十九並屬之會稽唐珏吳瞻泰跋据集中與唐
玉潛詩定爲霽山與唐同爲之事最爲精塙至遂昌襍錄載霽
山夢中作詩十首而匹其七又有冬青花二首考此集三夢中

作詩寔止四首又冬青花詩一首則與鄭所紀前一首略同

此集

冬青花詩較鄭錄多四句文亦小異而無所謂第二首者至羅傳則云夢中作四

首此所紀篇數及冬青花兩詩並係珏作張傳所載事跡與羅

與齊山集合疑之厲氏宋詩紀事七十五亦謂夢中詩係唐王潛作云景熙

作者非攷今所傳集中詩三卷卽章宜竹所注白石樵唱宜竹

親及霽山之門其注本斷不至誤收他人之作至鄭所紀冬青

花兩詩使果出霽山手則章本尤不宜遺之參互校讎蓋夢中

作四詩及鄭錄冬青花第一詩的爲霽山作無疑至冬青花第

二首則又自繫唐作與林作絕不相蒙徒以其事隱祕傳聞異

詞記者因唐林二公同事遂并其詩牽合爲出一手記唐事者

並屬之唐記林事者又並屬之林不復能區別倘非茲集尙存

則此重詩讞無由決其是非矣至於葬骨之地諸書復多差互

章氏夢中作詩注謂葬於越山張傳謂葬蘭亭山鄭錄又謂歸葬東嘉以夢中作第三詩水到蘭亭轉嗚咽不知真帖落誰家之句推之則葬於越山無疑宜竹詩注及張傳所言並不謬也

謝翱肺髮集七山陰道中呈鄭正樸翁詩云越樹夜啼鳥禹陵冬落花亦足為陵骨葬越山之證鄭亦與林唐二公同拾陵骨也拾陵骨事為宋末遺老奇節之一紀載齟齬明陶宗儀諸人

辨之並不得其要領今因錄先生遺集附訂其一二其他小小異同則不復論

曹氏

稽孫

龍源普渡紀勝詩

霽山集五

佚

林景熙序橫舟真人

霽山集二送橫舟真士游茅山詩注任真平陽人姓林氏

名注丹臺神游碧落

乃甲辰下元主龍源普度大齋九虎闍高綠章夜扣三泉銅魄盡使昭蘇厥功偉矣笙鶴朝回環而觀者心竦毛豎許山曹君為詩美之金春

玉應鉅帙粲然豈以異教同源吾儒抱濟川之具不及拯人於生而翻
羨師之拯人於死歟雖然天堂無則已有則君子登地獄無則已有則
小人入向使彝教修明天下皆君子之歸而小人之棄生順死寧如晝
夜之有經正不知何罪可度也惟君子少而小人多既自喪其所以生
之理又不幸以兵死以刑死以水火盜賊死失其正命卒墮沈冥此荒
幻之說與普度所以有功而吾道之不行於世其亦重可慨也故爲併
序而書之

霽山集五

章祖程白石樵唱注曹許山諱稽孫瑞安人父侍郎松廬先生暮年手
植七十五松於庭夾徑蔚然其後因有老松舊隱之署

霽山集二

顧氏

力行

小慙橐

霽山集五。雍正浙江通志二百四十八乾隆溫州府志二十七乾隆平陽縣志十九橐作集誤

佚

林景熙序予襲識顧君近仁於稠人中老鶴雞群風格振整已心敬之

先伯氏主鄉校月有書近仁每先諸子鳴予因從旁擊節則又識其文
矣而未識其詩也壬寅冬近仁攜小慙藥過予虞廷遺音一鳴吾耳乃
併與其詩識之蓋詩如其文文如其人也近世剽竊聲響竅蚓爭喧自
謂能詩而不本於吾文以文其所不能至裂詩文爲二途而不知歸一
也豈有拙於文而不拙於詩哉近仁辭語渾雄而發之以華藻氣節蒼
勁而節之以聲律全體互宜參唐歷選不懈而及於古於是近仁春秋
高矣而橐以小慙名也何居予自二十已學於詩星霜冉冉學不加進
每視舊作愧中汗外幾欲盡刪乃已而人方許之以爲工渙忍復存終
不意滿昔人謂小慙人小好之大慙人大好之茲橐毋得類是乎故爲

序其卷端以歸

霽山集五

陳高愚翁墓誌銘溫平陽鳳江之南曰夏較里顧氏世居焉紹興初錢
塘主簿岡潭州監獄碩連翩出仕寶慶間主簿之從兄任知橫州從曾

孫翼夫通判隆興皆由進士顯著一時橫州之從弟諱大齋學優而仕不偶生子晏以明經教授鄉里爲碩儒生四子俱有聲場屋其第三子諱力行才特俊邁學者宗之號南江先生遭宋革命文運未興齋志以沒有詩萬餘篇曰小慙集尤工駢麗語多爲人所傳誦其弟諱某號牧坡先生爲詩文亦清麗伯仲閒聲譽藉藉不繫舟漁集十三

案南江顧處士力行乾隆平陽縣志介節傳有傳

志作顧近仁字力行誤

陳子上謂小慙集有詩萬餘篇其篇什之富蓋不下劍南然今無傳者可惜也

繆氏

主一

天隱集

續文獻通攷一百八十

佚

胡氏

一桂

人齋存稿

萬厯溫州府志十七

佚

乾隆永嘉縣志二十三胡一桂人齋存稿林千之序

王氏奕 王子陵文集萬厓溫州府志十七

佚

陳氏兼善 無悶稿清穎源集一

佚

清穎一源集一陳兼善字達則號簡軒竹所長子于宋淳祐癸卯發解

著有集曰無悶稿

陳氏養浩 嶺南清嘯集清穎源集一

佚

清穎一源集一陳養浩字敏則號直軒竹所三子紹定閒爲廣州都巡
再任臨皋縣尉所著有嶺南清嘯集

案陳簡軒陳直軒並爲陳竹所子竹所名無攷清穎一源集亦

無詩簡軒直軒詩一源集編于陳則翁前則翁爲杏所處士世子疑竹所乃杏所兄也

陳氏則翁

滄浪興

清穎一源集

佚

清穎一源集一陳則翁字仁則號瑞洲杏所次子宋咸淳戊辰試登學究科繼登宏詞科歷仕至廣東副使因厓山之變棄官歸里遷居伯橋建集善院奉宋主龍牌朝夕哭奠日與林德陽裴季昌林旻淵曹許山輩以詩文往來私相痛悼作爲詩歌離黍之悲溢于言外所著集曰滄浪興

吳氏

枋

滄江集

雍正浙江通志二百四十八
乾隆溫州府志二十七題吳枋

佚

嘉慶瑞安縣志十宋國子薦吳枋兵鈐司幹

曹氏晏聽泉集

佚

嘉慶瑞安縣志十舊志薦辟補遺有曹晏官校書郎

蔡氏

卓石雲詩集萬厓溫州府志十七

佚

謝氏

雋伯和樵集東甌詩集五

佚

東甌詩集五謝雋伯字長父永嘉鶴陽人號偕山所著有和樵集

溫州經籍志卷二十三終

紹興陶念欽校

溫州經籍志卷二十四

瑞安 孫詒讓 編

集部

別集類五

元

曹氏

稹孫

合齋文集

萬厯溫州府志十七○嘉慶瑞安縣志九作合齋文集

佚

萬姓統譜二十二曹稹孫自少工舉子業下筆閱肆諸老成咸器之母舅兩科林雍誨以文法宜多采左氏及戰國語嘗自謂曰作文譬如立萬人場中非訓然大器而鳴人肯聽我乎宋亡室廬燬于兵遂寓平陽梅溪以古文及詩自娛凡一篇出人輒傳誦

案合齋曹鄉貢稹孫萬厯溫州府志文學傳雍正浙江通志嘉

慶瑞安縣志文苑傳並有傳

宋氏

眉年

存稿

萬厯溫州府志十七

佚

案蜀翁宋縣簿眉年永嘉人萬厯溫州府志文學傳有傳

葉氏

貫道

獲天集

萬厯溫州府志十七

佚

案茂林葉處士貫道萬厯溫州府志義行傳雍正浙江通志義

行傳嘉慶瑞安縣志孝友傳並有傳

湯氏

元善

草堂詩集

乾隆溫州府志二十七〇乾隆平陽縣志十九集作稿

佚

案湯元善雍正浙江通志萬厯溫州府志乾隆平陽縣志義行傳並有傳而均作宋人惟顧嗣立元詩選癸集戊以爲元人攷

雍正通志乾隆府志及平陽縣志義行傳別有元湯中山居白沙而縣志人物補 又有元湯元善字長卿亦居白沙與宋楊元善名同字異參台攷之湯元善當卽湯中山亦卽楊長卿縣志所據書稱述偶異遂分爲數人耳今依顧選定爲元人而附訂其異同於此

章氏

嘉

春谷集

萬縣溫州府志十八

佚

薛氏

漢

薛象峰詩集

元史藝文志四作薛漢詩集元詩選二集已作宗海集今從潘是仁宋元名家詩集

二卷

元史藝文志四無卷數今從宋元名家詩集

存

宋元名家詩集本

元詩選二集已薛助教漢字宗海於古今制度名物創作變易年攷月究無或有爽趙文敏公號爲鴻識得古遺器書畫必宗海辨之乃定魯

子翬誌其墓稱其詩律書楷嚴縝有法而愼愍不矜非雅交莫克知也
案薛助教漢雍正浙江通志乾隆溫州府志乾隆永嘉縣志文
苑傳並有傳象峰詩集明潘訥叔宋元詩集所刻雖分二卷實
止寥寥五策存詩僅十六篇以顧氏元詩選校之惟上卷擬古
二篇爲顧本所無餘詩均已入選而顧本所有吳本不載者乃
多至三十二篇孫存吾皇元風雅二載宗海詩十五篇吳本亦
止錄閑閑真人吳本作宗師顧同生湖鹽車圖吳本作雪山夜歸三篇
餘均不載蓋吳氏偶據殘本錄入非其完帙也惟象峰詩集之
名爲他書所未見則賴吳刻以傳耳

章氏祖程白石樵唱註

六卷台敏○呂洪編費山集并爲三卷

存霽山集本

先生諱景熙字德暘姓林氏溫之平陽人也宋咸淳辛未太學釋褐授泉州教官麻禮部架閣轉從政郎時異事殊遂不復仕乃棲隱故山以詩書自娛旣而會稽王監簿移書屈致與尋歲晏之盟於是先生往來吳越間殆二十餘年戊申歲歸自武林感疾迨庚戌冬終於家時年六十有九先生少工舉業有場屋聲時文旣廢倡爲古文發爲騷章往往尤臻其奧晚年所著雜文十卷外有詩六卷題曰白石樵唱行於世愚嘗熟玩其詩大抵皆託物比興而所以明出處繫人倫感世變而懷舊俗者至矣卷首數篇尤爲親切其他題咏酬唱雖有不同然而意亦未嘗不行乎其間讀者倘以是求之則庶乎不失其本領而有以知其詩不苟作也至於造語之妙用字之精法度之整而嚴格力之清而健又未易以名言今輒爲之註釋云崑陽後學章祖程和父題詩自三百篇楚辭以降作者不知幾人求其關國家之盛衰係風教之

得失而有合乎六義之旨者殆寥乎其鮮聞也惟陶淵明以義熙爲心杜子美以天寶興感爲得詩人忠愛遺意霽山先生之詩蓋祖陶而宗杜者也熟味之可見矣抑嘗思之詩固出於人之性情然非發之以句法之清英諧之以音節之和暢融之以氣味之悠遠則以枯淡淺促而不能以入妙靈保其不使人玩之易厭索之而易竭也哉善乎先生之爲詩也本義理以爲元氣假景物以爲形質濯冰雪以爲精神翦雲煙以爲態度朱絃疎越而有遺音太羹玄酒而有遺味其真詩家之雄傑歟予嘗伏讀而竊愛之沈潛反復蓋亦有年於童課之暇不睽僭踰爰輯舊聞爲下註脚間有見其意之所指義之所在亦輒爲之發揮而不敢隱焉第胸無積學家無儲書其間援据尙有未盡明者姑冀講問以備其全一日子安義中二友生請曰夫註草堂詩者數百家註雪堂詩者亦不下百餘家迄今猶不能無遺憾而況以一人之見乎盍缺之以

侯後賢予嘉其言因出此稿俾錄以示初學固未敢傳諸作者惟侯博雅君子訂其舛訛補其疏畧使霽翁之詩久而不墜則於風雅亦未必無少助云元統甲戌暢月後學章祖程謹書

吾鄉霽山林先生前朝遺老履和蹈貞晚年英氣詘折爲詩其立言命意欲厲風節蓋彷彿草堂翁忠愛之遺意也今宜竹章君和父獨喜其詩爲之箋註誠以其所作有關世教民彝非特尙其融液句度之清妍亦非自示其掇摭故實之贍詳而已昔李善輯注文選援據賅博而無其義子邕能補其缺章君所註辭義兼得而其學識之正尤有可觀者曩年君嘗與予翰札論河洛圖書往復數四予固已知其學有根柢別後久客湖海齒載浸尋彊與少年爭一資半級於端簪擇笏每用自愧念欲東歸與君行輩追逐雲泉襄羊文字之樂何可得也重念鄉山廖次文物際孤章君乃獨能慨慕前修之流風發揮遺稿之芳韻必使光

塵遠暢有永以傳等而上之復將有大著述以迪後雋余又當拭目云
至元元年歲在乙亥十月一日鄭僖書於赤霞城

案宜竹章處士祖程乾隆平陽縣志文苑傳有傳霽山先生身
丁國難蜚遜以終感事憂時悉形篇什而痛懷故國未敢訟言
樵唱一編辭多隱託宜竹親及霽山之門見聞最悉其白石樵
唱注疏通證明多得霽山微旨至於詩中本事攷覈尤詳如避
寇海濱詩注載庚寅山寇發霽山避地仙口哭德和伯氏詩注
載霽山有季弟字德淵先逝王修竹監簿名樓曰與造物游詩
注載霽山遊越多居王氏莊子上並卷一並足攷見霽山平生踪
跡又宋末遺民與霽山往還唱和者如薛監簿名肩夔永嘉人
柴主簿名杰周計院名埏並卷一曹許山名穆孫並瑞安人卷二曹
近山名告春字問農平陽人卷三諸人皆府縣志所未詳而此注

並能詳其籍貫事跡雖陶山十咏原題和鄧牧心

卷二

注不知牧

心爲鄧牧字又懷葉鄧二友詩

集三

注不知葉爲葉林與鄧牧同

爲洞霄宮道士

以上二條鮑廷博刊本並據鄧牧洞霄圖志補注

亦偶有疏漏然全書

元元本本精審居多霽山詩之有是編亦如山谷詩之有甚淵
注荆公詩之有李璧注矣

陳氏

昌時

鷄肋集

清穎源集一

佚

清穎一源集一陳昌時字少垣號物吾一諱文昌一諱天囿瑞州之長

子

案瑞洲名則翁見十八卷

自少穎悟博學強記爲文雄深高古由宏詞科任廉州

路教授所著有鷄肋集行世資靜蔡先生芳修府志時讀公集乃書其
後云章圓如丸珠句奇如鉤棘語麗如長春芙蓉韻古如黃鐘大呂非
尋常步驟所可彷彿也其詩之豪歟

陳氏

文尹

澤畔吟

清穎源集一

佚

清穎一源集一陳文尹字端友號春塘一諱西尹簡軒由子

案簡軒各兼善見十

入著有集曰澤畔吟

陳氏

得時

穎西清嘯集

清穎源集一

佚

清穎一源集一陳得時字少成號老吾瑞州之仲子由郡庠貢士任常

州無錫縣教諭所著有穎西清嘯集

陳氏

允文

靖安居士吟稿

清穎源集一

佚

陳與時南康寄陳允文詩注同里人所著有靖安居士吟稿允文集有

送陳少方赴南康詩一首

案少方與時字

有云江邊亦有同庚友獨把漁竿寄

隱淪

案靖安陳處士允文萬厯溫州府志嘉慶瑞安縣志隱逸傳並

有傳

林氏

正漁隱集東甌續集四

佚

東甌續集四林正字浩淵號一齋有漁隱集藏於家

案一齋林處士正乾隆平陽縣志文苑傳有傳

裴氏

庚井西秋嘯集乾隆平陽縣志九

佚

乾隆平陽縣志十六元裴庠注三體唐詩有井西秋嘯集

案東甌續集四載林正寄裴雲山詩

雲山清穎一源集自敘作芸山

南山高且

深竹松梢流水先生廬其中迴若崆峒子雪髮覆兩肩深悟造

化理手注三體詩名滿四海耳時以詩名家亦來質疑似我本浪得名長掛春風齒乃識先生心非非還是是林氏稱其以詩名家然佚篇今無存者三體詩注明以來亦久佚惟所選閤巷陳氏詩名清穎一源集者尙有傳本耳

汪氏鼎新桐陽小稿

二卷

東嘉先哲錄二十

佚

東嘉先哲錄二十汪鼎新少孤自樹立明尙書周易尤長於詩文有桐陽小稿二卷

原注見平陽州志

案桐陽汪教授鼎新萬厯溫州府志文學傳雍正浙江通志乾

隆平陽縣志文苑傳並有傳桐陽學行文章爲溫儒宗

見蘇平仲集十

四孔教授夫與林靈山以詩相唱和靈山集二有雜詠十首酬人汪氏墓誌

汪鎮卿章祖程汪名鼎號桐陽平陽人案章注載桐陽名鼎疑有奪誤鎮卿東嘉先哲錄通志府縣志皆作進卿當据

霽山集其第五章云云子有憂世心蒿然見眉睫崇文擬昔人

李氏孝光五峰集續文獻通攷一百八十作五峰文集千頃堂書目二十

目一百六十七

二十卷續文獻通攷一百八十千頃堂書目二十九補遼金元藝文志元史藝文志四〇四庫全書總目一百六十七作六卷孝

慈堂書目作五卷今所見明錢果編本不分卷

闕四庫全書本遜學齋存舊鈔本

予未登仕時嘗讀元詩體要至五峰李季和先生之作愛其風采豪邁不染指於脂韋靡麗之場不掉鞅於鬼斧蛇神之域震奮如雷霆運動如日月變幻如鬼神從容如長江大河一瀉千里奔放如洪濤巨揭浸日掀天晴圓如柘彈桐丸迅飛霄漢心與之競而不暇焉雄哉先生之

文也第以僅十餘篇而止不得其全集爲恨嗚呼是心也非獨余爲然而天下士莫不皆然予嘗試春官會天下士於京師或論詩家風格未始不以五峰首稱而以未見全集爲歎比詮曹擢予知樂清拜命之日私竊自慶以爲樂清乃五峰先生所自出之地全集必有珍藏于士大夫之篋笥者則是行實與先生有厚遇焉到官初謁先聖先師因謁詣鄉賢祠見諸先正而先生牌位未立故補次於龜齡王先生之左案牘稍暇訪厥遺稿於士林或得其斷簡或得其殘編而其全集又未克卽覩嗚呼文章之顯晦氣運盛衰之所關今天下風氣醱醖先生之文其必乘時以顯未必終晦也居無何儒生周綸以其所藏於篋笥者獻於庭予驅得之不啻獲拱璧夜光喜不自寐者凡幾日綸亦知詩士也遂命之編其類次於是捐俸以繡諸梓將與天下共焉夫詩之近體莫盛於唐而唐之盛莫盛於天寶其間亦未免有大而肆夏小而流離之失

先生無是也矧先生碩德重望膺元聘起爲祕書閣以文章見高一世
更稱先生非先秦西漢語不道則先生之文取重于當時見稱于後世
非一日矣良金玉自有定價豈區區一日用心爲先生增重耶雖然
使先生之文而有傳耶于先生固無所增加使先生而無傳也先生亦
無所增損赫赫之光與日月同垂於不朽者固是若也不曰先生之文
傳不傳于吾邦風氣之美不美係耶晚生末學之幸不幸係耶集成僭
書以爲天下想望先生之文者告時宏治甲子歲菊節鄉進士知樂清
縣事鳳陽定懷遠慎齋錢杲書於忠愛堂

明錢杲刻
本卷端序

四庫全書總目一百六十七五峯集六卷

編修汪如藻家藏本

元李孝光撰孝光

字季和樂清人隱居教授白野秦哈布哈

原注原作秦不華今改正

嘗師事之至正

七年詔徵隱士以祕書監著作郎召明年陞文林郎祕書監丞所著詩
文歲久散佚是編乃宏治甲子懷遠錢杲爲樂清令訪求遺稿得全集

於儒生周綸家因俾綸編次刊版果自爲之序乃以五峯集爲名其詩文不分卷帙但以各體分編今定以樂府四言詩爲一卷五七言古詩爲一卷五言律詩爲一卷七言律詩爲一卷絕句爲一卷五言律詩爲卷首列逸文日四篇曰南村草堂記曰郭翼遷善齋記曰姚文煥書聲齋記曰孝善坊記皆有錄無書蓋傳寫復佚今已闕之元詩綺靡者多孝光獨風骨適上力欲排突古人樂府古體皆刻意奮厲不作庸音近體五言疎秀有唐調七言頗出入江西派中而俊偉之氣自不可過中間如贈潘九霞絕句所云道士自稱潘九霞身騎黃鶴大如車借我北窗眠一夜酒醒共喫白丹砂失之粗曠者有之然不害其風格也雜文凡二十首皆矯矯無凡語楊維禎作陳楚樵集序舉元代作者四人以孝光與姚燧吳澄虞集並稱亦不虛矣末附題朱澤民畫一首蓋古樂府之未誤編於文集今仍移附樂府末云

顧瑛玉山草堂詩雅集一李孝光詩文自成一為東南碩儒

元史儒學傳二孝光以文章負名當世其文一取法古人而不趨世尚非先秦兩漢書弗以措辭有文集二十卷

楊維禎 孔孟而下人樂傳其文者屈原荀況仲舒司馬遷及其次王通韓愈歐陽修周惇頤蘇洵父子逮乎我朝姚公燧虞公集吳公澄李公孝光若此十數君子其言皆高而尚其義皆奧而通也 郊韶詩序

我元之詩求之於永嘉李孝光錢塘張天雨天台丁復項炯毘陵吳恭

倪瓚蓋亦有本者也季和放乎六朝而歸本老杜

東經子集

葉盛水東日記 李五峰如秦漢間人語蘄絕而頓挫

胡應麟詩藪 李孝光古詩歌行豪邁奇逸如驚蛇跳駿不避危險當

時語云前有虞范後有楊李楊楊廉夫也至近體多拘澀短長得失正與楊同大抵視前人瑰奇過之雅正則遠遜

元詩選二集戊按五峰集向來失傳僅曹侍郎秋岳編輯本傳抄本癸未春朱檢討竹垞從樂清搜得弘治甲子樂清令懷遠錢杲慎齋所刻本合之允稱大備近體五言如雁山作云山空猿自語雲暝宿初醒鍾山云井沈龍虎氣岡斷鳳凰形贈建禪師云茶香鄰屋借芋熟騎童分次王宣政園亭云池開搖倒影木落見孤根七言如送叔夏云來日燕翻芹雨暝別時人趁稻風涼和王修竹時思庵韻云移來怪石欺僧瘦種得新松共鶴長雲林清遠圖云風高碧入金莖露月出青回玉樹煙客徂山云江山有待詩應老天地無情客漫狂三益堂芙蓉云守宮血暝娥池曉翡翠巢香玉井寒送趙岐山云北風吹黑貂裘領明月磨青寶劍花戲簡王季行云蒲萄釀酒澆鸚鵡桐葉題詩咏鳳凰呈兀澤云酒無著處紅生面老欲來時白上頭皆極新警之句也附摘於此

案五峰集二十卷本明時已佚今所傳者明錢杲重輯本不分

卷然槩本亦不多觀余家所藏則從錢刻傳錄者凡文十三首
古樂府四十五首五言律詩四十四首五言絕句十九首七言
古詩三十首七言近體五十五首七言絕句二百十九首其分
七類四庫本釐爲六卷其本今未之見提要稱雜文二十篇則
與鈔本不合未知明槩原本果何如也錢本於詩搜采頗多然
如宿魏仲遠宅詩見魏弼所輯敦交集此集傳本頗少梅魂詩
余家有舊鈔本
見東甌詩集五元詩選錄此
詩作梅魂越鄉次舊韻白沙早程樂成辛亥
玉川問歸丙子泛舟登輿次晚春韻東林廢寺七詩見東甌續
集四錢本並未收顧氏元詩選自稱合曹侍郎溶編輯鈔本選
之今用互相校覈其多出之詩亦六十餘首則采輯未爲完備
又七言絕句題蘭題菊一時兩收而易其題其七言近體內雁
蕩山詩顧選注雁山志作吳學禮今檢萬厯雁山志顧說信然

萬麻雁山志四錄此詩題作
遊雁山能仁寺與集本小異則繩復舛互之病均所不免然百

餘年來曹本不知存佚藏書家展轉傳鈔大氏皆祖錢槧則欲

讀五峯遺詩者終以此爲古本矣至所錄雜文自雁山十記外

寥寥無幾其王貞婦傳目下注嶧縣志攷阮元兩浙金石志十

八載紹興府學所存元石刻本作清風嶺王烈婦祠碑今覈五

峯原文亦有會稽嶧丞徐瑞爲石起屋樹碑廟中以旌其鬼之

語則其爲祠祀無疑錢氏据嶧縣題爲傳亦失之攷

又案明潘是仁宋元名家詩集內亦刊有李五峯詩集二卷上

卷七言古詩六篇大星北風茅山謠江下卷七言律詩

七篇宿巢縣送王伯循送朵兒只國王郊祀慶成七

言絕句五篇寄達兼善古長信秋詞二首以錢本及顧選

校之惟絕句內古長信秋詞第一篇及寄達兼善題柯博士畫

二首爲兩本所無餘詩大都已收入卷帙無多不能分別著錄
謹附存其目於此

孔氏勝潔菴集

十二卷

元史藪
文志四

佚

蘇伯衡序潔菴集詩文若干首平陽孔子升先生之所作門人同邑林
與直景伯之所彙次也敬伯以告余曰先生志於立德者也立功且非
其志而況於言乎然而先生由進士科出身雖不慙以文辭名世而求
文辭者則固以先生爲首矣則先生雖不欲不述作烏得而不述作嘗
聞諸先生文章非應用應用非文章此至論也凡吾之所作亦應用云
爾敢自謂文哉以故先生雖爲文未嘗留稿子弟門人閒私錄之亦不
多也先生旣棄代其子諤屬與直類粹爲八卷附以詩四卷因先生自

號題曰潔菴集一二同志將鏤版以永其傳敢請爲之序余取而讀之
理到矣氣昌矣意精矣辭達矣典則而嚴謹溫純而整峻該洽而非綴
緝明白而非淺近不粉飾而華彩不鍛鍊而光輝古之有德必有言者
蓋如此尙論文章何以加諸至於詩則出於性情而不窘於畦町有優
游詠嘆之思風雅騷比之遺而先生自視歆然何哉豈不以世之爲文
者於學無所聞於道無所得險澀其語以爲奇僻怪其字以爲古隱晦
其意以爲深突兀其體以爲奇高而流俗之所尙也先生則不出乎是
自意不足以追世好而云然也歟嗟乎文辭之陋未有甚於彼者也曾
謂先生而爲之乎人固有却菽粟而進蜺蛤者亦有舍布帛而取縞毳
者苟弗貴先生之文而維流俗所謂文是貴則與是何以異乎夫蜺蛤
可適口而不可療飢縞毳可悅目而不可禦寒養生則必以菽粟而不
以蜺蛤也卒歲則必以布帛而不以縞毳也先生之文布帛也菽粟也

世之所不可無人亦不得而弗之貴也敬伯拳拳於其遺稿可謂知所貴者矣然則先生之有敬伯不猶揚子雲之有侯芭也歟先生世系爵里行業詳見墓碑此不重出

蘇平仲文集五

蘇伯衡故元溫州路同知平陽州事孔公墓誌銘至正末方國珍據台慶溫用名士以收人心而其於公也不得而用之亦不得而禍之國初胡仲淵鎮括將進公於朝公返其書幣謂使者曰吾父年垂九十不可頃刻去左右參軍奈何欲使之胥爲不忠孝人耶仲淵愧其言而止洪武元年按察僉事趙壽求賢浙東得公於溫以應詔公終辭不起士益以是尙高之公至正元年薦於鄉登二年進士第擢衢州路錄事階將仕郎九年轉從仕郎處州路慶元縣尹代歸十九年授溫州路同知平陽州事三歲丁母憂解官明年州人以版圖上于職方公與陳子上者慨然有浮海之志顧父判府公在堂子上入闕公羈孤無儔却掃一室

名曰潔菴情有所觸俛仰書空而已後三年而判府公捐館又十六年公以疾不起洪武壬戌七月也年七十有九諱賜字子升平生所爲詩

文總十二卷曰潔菴集藏於家

蘇平仲文集十三

陳氏

秀民

寄情集

千頃堂書目十七元詩選三集唐。元史藏文志四作

十七乾隆永嘉縣志
二十二並作寄亭集

未見

列朝詩集甲集前編十陳學士秀民入國朝未詳所終周玄初鶴林集載庶子作來鶴詩在洪武己巳二十二年

案寄亭陳學士秀民乾隆溫州府志乾隆永嘉縣志文苑傳並有傳學士嘗仕張氏遂居嘉興千頃堂書目以爲嘉興人非也寄情稿明以來久無著錄然元詩選三集采其詩三十九首又似從原集選錄者或天壤內尙有傳本也

曹氏 睿 獨叟集 雍正浙江通志二百四十八

佚

王逢題戴崧先府君蒼山居士小像詩序歲乙亥兵薄枯時弟洛將處
士竄南溪山處士謂同難者曰吾一褐以老未嘗為垢與其與蔓草同
穢不如滄浪清之獨也徑投於溪崧繪處士小像託前進士顏守仁徵
挽章永嘉曹新民教授有曰菊帶晉愁香不改松輕秦爵老猶青 梧溪集四
上

列朝詩集甲集前編七下曹睿字新民永嘉人壯年游浙西詩文皆清
新

趙氏 次誠 雪谿集 千頃堂書目十七

佚

史氏 伯璠 曠巖史先生遺稿 千頃堂書目二十九。補遼金元藝文志元史藝文志四並無史先生三字

佚

青華集

二卷

乾隆平陽縣志十九

佚

乾隆平陽縣志十四史伯璿稌文衍二卷曰青華集

鄭氏

昂密菴集千頃堂書目十七

佚

陳高鄭處士行狀先生諱昂讀書為文尤長於歌詩晚年始為學而篤於自信所守確然不為外物奪所為詩老益工非得驚人語不苟操筆有稿若干藏於家

不繫舟漁集十三

案密菴鄭處士昂雍正浙江通志萬厯溫州府志乾隆平陽縣

志隱逸傳並有傳

高氏明柔克齋集

二十卷 千頃堂書目十七

未見

詩自跋此余往日在越中錄寄倪君仲權之詩今十餘年矣意其不投之苦海則已當俱齏蒙矣仲權乃裝演成爲卷帙列之於諸名勝間矧當時事轆轤世方以斯文束高閣而仲權於朋友之片言隻字亦無遺棄亦可見其好尚之情交道之厚而不爲世變所移者也惜也予之學問名位視往日不少加進徒負故人期待之意耳展卷一覽慨嘆不已因書於左方以自警云永嘉高明 元詩選三集庚

陶宗儀輟耕錄三岳武穆王飛墓在杭棲霞嶺下名人佳士多有詩弔之其最膾炙人口者如高則誠先生明云莫向中州嘆黍離英雄生死係安危內廷不下班師詔絕漠全收大將旗父子一門甘伏節山河萬

里竟分支孤臣尙有埋身地二帝游魂更可悲 十三永嘉高則誠明
烏寶傳雖日以文爲戲要亦有關於世教

清願一源集二陳挺弔高則誠詩注先生所著柔克齋集遺板亡失予

方塘叔祖案方塘名鑑見二十一卷嘗於其家得二十餘片以歸甚喜旣而視之冊

葉多不相續始知無用後因兵火併失之

元詩選三集庚高相掾明字則誠所著有柔克齋集詞章斐然東海趙

汾稱其學博而深才高而瞻云

靜志居詩話顧仲瑛輯元耆舊詩爲玉山雅集中錄高則誠作稱其長

才碩學爲時名流可知則誠不專以詞曲擅美也世傳琵琶記爲薄倖

王四而作此殆不然陸務觀詩云斜陽古柳趙家莊負鼓盲翁正作場

死後是非誰管得滿村聽說蔡中郎是南渡日已演作小說矣明詩綜十一

案高都事明萬厯溫州府志文學傳雍正浙江通志嘉慶瑞安

縣志文苑傳並有傳其集久無箸錄據陳挺詩注則明中葉時
已無傳本顧氏元詩選三集庚選都事詩一卷亦題柔克齋集
疑從他書轉錄非果見原集也

高氏

陽

鄭璞集

元史藝文志四

佚

蘇伯衡序安固高君賓叔才甚優學甚邃長予三十餘年其伯兄則誠
甫又先左司僚友高君於余父執也而辱與爲忘年交今三十矣歲之
正月會於平陽出其詩文曰鄭璞集者俾爲之序高君之文根柢六
經出入子史詩則淵源風雅沉浸騷選莫不理到而辭達氣充而韻勝
味勝而光潔余素知而愛慕焉今觀凡在集者粹然大玉夷玉之質也
炳然琬琰珪璧之渾也鏘然璜珎琚瑀之音也謂之未理之玉人猶疑
之況譬諸已鵬之鼠又孰信之而名其集曰鄭璞何與思而不得則以

問諸高君高君曰彼以臘鼠與璞玉同稱亦惟自負太高而已自高故詞夸詞夸故實不副實不副故始聞之意其玉也而欲與之市終見之則鼠也謝而去焉無足怪矣古人之文章大抵出於道德明備之後是以言立而人信之今世之士屬辭聲韻稍協則曰我能詩言語布寅成章則曰我能文此其自大不猶鄭人之於鼠乎人之視之其有不猶周人之視鄭人之所謂璞乎吾嘗以爲戒而不敢不務其實此吾集之所以名也而又何疑焉余於是益嘆高君非獨文詞人未易及其處已取名尤人之所不敢望先文忠公曰古之君子其處已也厚其取名也廉故實浮於名而人誦其美高君之謂矣然則高君之鄉爲文辭者固多可傳誦者亦眾而人人獨購求高君之文得其片言隻字心滿意愜而去豈偶然乎夫文章如良金美玉自有定價固非人所得而輕重然持金玉而欲市者持錢而求市金玉者必有定爲輕重之人居其間而後

欲市者與求市者信而無疑焉今高君求序其詩文不可以輕重之人而顧以及余余官位學行無足動人是非可否無足取信將何以塞請念辱交之久也不敢終辭姑述其名集之意以爲序覽余序者可無異高君而有所自警矣

蘇平仲文集五

案賓叔爲則誠弟元史執文志及舊府縣志載高賓叔鄭璞集而不知其名攷蘇平仲文集三金貞婦傳高傳貞婦儒家女龍江書院山長高陽賓叔其父也是賓叔名陽與則誠名明偏旁相應

明本從月

圓聲此就隸變作明論之

吳論崇儒高氏家編

增裴庾清穎一源集卷末萬姓

統譜三十二並謂則誠則有弟名誠字則明明以來府縣志因之殆無稽之說也

陳氏

岡

谿堂集

清穎源集一

佚

清潁一源集一陳岡字士原號石池物吾之長子晚寓後谿別業又號

谿堂居士所著有谿堂稿

陳氏高不繫舟漁集

千頃堂書目二十九補遼金元菽文志並作詩集今從四庫全書一百六十八元史菽文志四

十五卷附錄一卷

四庫全書總目一百六十八○千頃堂書目二十九補遼金元菽文志元史菽文志四並作十二卷

存遜學齋存舊鈔本

至正癸卯十二月廿七日平陽失守余時在郡城回至州南聞變倉卒同江浙行省都事王銓伯衡夜尋山徑泥塗中崎嶇行六十餘里至麥城得漁舟浮海達安固不及與家人別明年正月朔至南塘二月至樂清之玉環迤邐道途隨處留寓念余以布衣舉進士辭祿歸隱已八年矣守拙耕田將以終老而罹此變間關遁逃非有所爲也求無愧於心而已矣困阨顛沛之餘觸目興感率爾成詩聊筆諸簡冊以示不忘間有應俗所作詩文亦并錄之其妍醜不暇擇也至正二十四年春三月

乙丑朔旦書

卷末
自識

子上陳君既沒之十有八年余過其里從其子訪其遺稿得詩文總若干首詩爲四言爲五言爲七言爲古爲樂府爲律爲絕凡若干卷文爲記爲敘爲銘爲贊爲箴爲跋凡若干首加銓次焉釐爲若干卷題曰陳子上存稿俾藏於家敘曰夫所貴乎文辭者非以言之工而貴之也當理之言斯貴矣其言當理雖其人無足取君子獨

蘇平仲集五陳子
上存稿序作獨

不

以人廢言而使之泯沒也況其人若子上者抗特操於亂世臨患難死生禍福而不易其志不污其身可謂賢矣而其言也揆諸往哲而有合傳之來世而無愧可使泯沒而無聞乎此予于其遺稿所以不能已其

情也六叔百氏之言子上無不

平仲集
作弗

學而以求道爲急凡詩文未嘗

苟作要其歸不當于理者

平仲集此下有蓋字愛
日藏書志三十四同

鮮矣自爲舉子時其

所作以爲流輩推重金華明仲申先生以古學名嘗傲視一世人于文

章靳許可獨敬愛子上而稱之曰能其擢進士也朝之名公鉅人若翰

林歐公太常張公禮部貢公御史吳公助教程公僉謂子上之文宜用

之朝廷施諸

平仲集作之

典冊相與論

愛日精廬藏書志作復

薦之而子上以親老顧

取慶元路錄事南還赴上

愛日精廬藏書志作任

未二年度時不可為輒

平仲集此下有

自字愛日精廬藏書志同

免去檀兵柄而掘疆州郡閒者爭欲子上用之

平仲集作爭欲致子

上用之愛日精廬藏書志作多欲子上用之

而子上終不為其用周流東西

平仲集下有所在二字

常

使人不知所至未嘗終日掩也最後總戎其州者必欲脇致之子上遂

棄妻子南至于閩又北至於懷慶尋以疾卒

平仲集下有懷慶三字

既卒而其文

亦無能為收拾者以故生平所作存者止此云嗚呼得其材於天成其

學於已不獲措諸事業而徒託之述作君子之不幸也至於述作又多

放失不幸抑何甚耶籍非子上所操自足以暴于世則天下之於子上

何從而知之何從而信之此予之所以重有

愛日精廬藏書志作為

慨也其友謝

復元氏欲率同志鏤版以永其傳力雖不逮而未嘗忘之其

愛日精廬藏書志無

此

豈不猶予之情與豫章揭先生伯防

案揭不防揭去增錄有所作墓誌銘愛日精廬藏書志作伯陽

誤

梅子上之文上本遷固下獵諸子詩上遡漢魏而齊梁以下勿

平仲集作

勿論可謂知言矣復何所庸吾喙哉前翰林院編修眉山蘇伯衡序

予任監察御史時因嗣居霽山林景熙先生臧修之地迺爲收拾所作詩若干首文所存若干篇旣鏤版以廣其傳矣尋陞按察副使便道歸省有鄉儒張君明夫葉君元鼎各出所藏先生陳子上詩文告于予曰子刊行林霽山之集俾人得以觀誦不惟見林之錦心繡口吐露其忠肝義膽亦知予之景行先哲能發其潛德幽光也且吾邑之繼林者又有陳先生子上其忠貞狷介亦非尋常可及矧其爲文上本遷固下獵諸子爲詩上遡漢魏而齊梁以下勿論曩者秘書監丞揭公伯防稱之如此人皆以爲知言旣而國史編修蘇公伯衡訪其詩文放失之外得

若干卷題曰存稿特爲序而付其友謝復元輩鈐梓未就存者反失終
竟厥事非子而誰子是時本未知先生詩文之詳乃以事冗祿薄爲辭
及閱其所序近山軒燕集詩謂至正十二年四月有八日會于張思誠
之軒時孔正夫呂敬中與高十人皆能文之士酒酣正夫曰茲集不可
無紀于是分韻賦詩十首所謂敬中者乃予曾伯祖州判府君正元任
行中書省照磨也又閱其所識至正癸卯十二月二十七日自郡城回
至州南聞平陽失守倉卒同江浙行省都事王銓問尋山徑泥塗中崎
嶇逃遁所謂銓者卽予曾祖母王安人之父也由是而觀則知先生與
予先世嘗有通家之好存稿之所刊烏得而辭哉於是具紙墨命學童
一一錄出屬眷兄徐君以敬會友人陳君存謙張君思廣重加訂正次
爲卷帙予則捐俸命工鏤板印行將與海內能詩文之君子共觀覽之
庶俾先生之文不泯於歿世若有放失之稿倘有得者收綴以爲別集

則有望於將來焉先生之陳世爲平陽金舟鄉鉅族諱高子上其字也
棄家遁世族寓他鄉因自號不繫舟漁者凡其出處行實其詳見于蘇
揭諸公之序誌云時成化元年龍集乙酉冬十月吉日賜進士中憲大
夫雲南按察司副使同邑後學呂洪書

千頃堂書目二十九陳高不繫舟漁詩集十二卷明裔孫順天府尹一
元梓其詩行世一作十六卷

四庫全書總目一百六十八不繫舟漁集十五卷附錄一卷

兩淮馬裕家藏本

元陳高撰高字子上溫州平陽人至正十四年進士授慶元路錄事未

三年輒自免去平陽陷棄妻子往來閩浙間自號不繫舟漁者至正十

六年浮海過山東謁河南王庫庫特穆爾

原作擴廓鐵木兒今改正

於懷慶密論江

南虛實庫庫特穆爾欲官之會疾作卒蓋當國祚阡危猶力謀匡復明

太祖稱王保保眞男子

即庫庫特穆爾

如高者事雖不就其志亦不愧王保保

矣不但詩之足傳也明洪武初蘇伯衡訪其遺集釐定或編題曰子上存稿此本題不繫舟漁集不知何人所改文格頗雅潔詩惟七言古體不擅場絕句亦不甚經意五言古體源出陶潛近體律詩格從杜甫面目稍別而神思不遠亦元季之錚錚者矣元又有嘉定僧祖伯其詩亦名不繫舟集見顧嗣立元詩選集中有題倪瓚芝秀圖詩蓋與高同時然其詩不及高遠甚今未見其本以集名相亂附著其異於此庶來者無疑焉

浙江采集遺書總錄王陳子上存稿六卷

刊本 案蘇伯衡所編本題

不繫舟漁集而卷端載蘇序標題猶仍其舊故此即係陳子上存稿也至所云六卷與

四庫總目不合疑六上奪十字矣

平陽陳

高撰眉山蘇伯衡序

元詩選初集庚初陳錄事高明初眉山蘇伯衡訪其詩文得若干首詮次成帙題曰子上存稿八世孫一元重校而刊之揭法陳子上先生墓

誌銘先生爲文上本遷固下獵諸子先生爲詩上溯漢魏而齊梁以下
勿論也先生爲行潔已而不同於俗抗節而不屈於物意所與惓惓焉
不能舍赴其急水火不避也所不與欲其一語一字不可得所至合則
留不可則去自號不繫舟漁者

不繫舟漁
集附錄

案陳縣尹高萬厯溫州府志隱逸傳雍正浙江通志乾隆平陽
縣志文苑傳並有傳不繫舟漁集十五與張仲舉祭酒書云遭
時多故眾醉獨醒棄官歸田今五十年或徜徉乎山谷之間或
浮游乎江湖之上任情自適無所繫留當道者雖牽挽而不能
羈繫因自號爲不繫舟漁初非敢爲高也揣己之無能處俗之
不偶故以是而託其名焉耳攷子上自跋其避方明善之亂在
至正二十三年十二月而揭法誌墓記子上之卒在至正二十
七年年五十三則其以不繫舟漁自號在避地入閩之後矣集

本金華蘇伯衡編定成化乙酉平陽呂洪始爲刊行今所見本
卷端亦有呂敘而每卷首集並題八世孫侯官一元校檢乾隆
平陽縣志選舉門明萬曆辛丑進士有陳一元應天府丞有人
物傳載陳志其先戌籍福州子一元辛丑進士爲大京兆千頃堂書
目亦稱一元爲順天府尹此是也選舉門云應天府尹蓋誤其人在呂後百餘年蓋一元又
以呂本覆校也集凡詩九卷文五卷附錄一卷則墓誌祭文之
屬千頃堂書目稱詩集十二卷又謂一元梓其詩行世殊爲失
攷今本文五卷首集並有一元校一行則一元所梓不徒詩集
矣子上之舉進士出張翥之門又與揭法蘇伯衡胡翰諸人爲
友今覈其全集雖文采不及五峯諸老而耳濡目染終有典型
不僅亮節清風足厲百世也

梓氏

全

栢堂山居詩

王闕遠孝慈堂書目五〇千頃堂書目二十九補遺金元薇文志作僧栢堂集

未見

元詩選二集王栢堂禪師益字侑堂温州人大慧杲四世法嗣得法于
淨慈隱公住慶元奉化岳林寺世傳山居詩一編藥案庵黃僧游廣陵
得于東隱精舍爲元時舊刻如春暝鹿眠三徑草夜寒雁叫一天霜櫻
鞵踏凍石梯滑松帚掃霜山徑陰相韓卿趙禪中融霸楚王吳檻內猿
灌蔬月下擔寒浪移石雲邊接斷橋一火燒畬春采蕨半簑披雨曉鉏
園黃狖林中偷果去翠禽籬下引雛飛格律在皎然無本之間當不徒
賞其山居高致也

案栢堂舊府縣志仙釋無傳惟陳子上不繫舟漁集五有送益
上人詩云一雨新秋爽千山細路遙林泉歸此日天地颯驚飈
訪鶴穿松樹觀魚俯石橋幽棲輸爾樂高隱肯予招則栢堂與
子上同時山居詩乾隆初猶存蓮涇王氏孝慈堂書目婁東金

氏文瑞樓書目均有鈔本附釋德靜山林清氣集後今則未見
傳本詩以山居爲題凡七律四十首今所見者止顧氏元詩選
二集所錄十四首後附題徑山詩一首則顧氏又從徑山志錄
出者東甌續集六選山居詩十首改其題爲間居偶成誤也

載楫堂名作
僧益侑亦誤

高氏

守奎

茶薺齋集

雍正浙江通志二百四十八。
萬厯溫州府志十七無齋字。

佚

案高處士守奎萬厯溫州府志文苑傳雍正浙江通志乾隆永
嘉縣志文苑傳並有傳

張氏

天英

石渠集

千頃堂書目十八。元詩
選三集庚作石渠居士集

佚

元詩選三集庚張助教天英遊浙西多居吳下與玉山主人相友善凡

有所作必郵寄草堂玉山稱其放肆爲詩章尤善古樂府皆馳驟三季間自號石渠居

無名氏素翁集雍正浙江通志二百四十八

佚

萬厯温州府志十二素翁姓氏不傳所著有素翁集記載所經變亂之詳志悲而辭暢

朱氏

希晦

雲松巢集

萬厯温州府志十七無巢字

三卷

補遺金元藝文志四庫全書總目一百六十八元史藝文志四列朝詩集甲集前編十一作二卷十頃堂書目十七無卷數

存

遜學齋藏舊鈔本文瀾閣傳鈔本

初余在樂清咨訪故老得瑤川朱先生希晦而惜其死矣先生當元季有詩名在士夫間而行檢尤峻絕而重時秉使節下甌越者如憲僉王公學士貢公皆願見儀範以礪士風入國朝先生鬚髮皓白動合軌度

幅巾短策徐行林壑望者以爲神仙中人郡邑始行鄉飲酒禮求齒德
崇高名實相副足充大賓者而先生居首選於嘗厠翰林修撰趙君彥
銘客席得見梅灣詩八首而楮尾先生自署姓名惟謹予圭誦再四不
能去手因揚摧於眾曰古人謂名下無虛士信然也而每欲見其諸子
求先生全集以觀未能也間嘗道經瑤奧瞻先生舊第在叢林間而苑
裘有曰永春庵者輒式焉永樂五年秋予自京師還龍鳴山中而先生
之子幽袖出雲松巢詩集謁予言曰幽先子平生之志發於詠歌者盡
在是編願序以垂諸遠予謂詩自三百篇以後惟唐爲盛唐人以詩名
者千餘家而李杜最著以故後世言詩者率以李杜爲大家數而宗之
今觀是集其飄逸放曠者宗於李歟其典雅雄壯者宗於杜歟先生可
謂善於學詩者矣惜予不得親見先生以談詩家利病而又慶其有子
能守先生之家學也序而載名其上永樂五年十月晦日迪功郎伊府

紀善天台鮑原宏撰

雲松巢集者樂清朱先生希晦所賦咏也先生家瑤川世有令德自幼嗜學勵行有志於古人元季遭海內亂遂棄括不仕益閉戶讀書以究其業下筆才思泉湧而於詩尤工故因物寄情傷時感事凡有觸於外而動於中一於歌焉發之日增月積多至千餘篇扁其室曰雲松巢而稿因以名焉自先生沒迄今五六十載而瑰詞藻句往往傳誦於世子每見而竊嘆之且以未獲覩其全集爲恨正統庚申其元孫美從予讀書空明山中間嘗捧先生遺稿示予請爲之序予發而視之但見其思致精深詞意豐贍滔滔汨汨如驚濤怒瀾蛟鼉出沒而可駭可愕安其所至多有得於唐人大方家之心法而無雕琢委靡之氣故沈潛反覆累日不厭焉嘗因是推之先生以有爲之才不幸生於季世故形於言者澹然無求於時而怡然有安貧樂道之志往往自放於山頭水涯以

寄其興而模寫雲林泉石之幽以及草木昆蟲之變雖所遇不同而皆曲盡其妙至於閔時病俗婉詞諷刺又有得於風騷之遺意焉故玩其詞想其人而知先生之不遇爲可嘆也使其生於明時而出其所有以鳴國家之盛豈不偉哉雖然先生之志固不獲自見於世而其可以傳世垂後者未必不在乎是矧其諸孫咸有志於繼述而美方以俊乂選爲郡庠生異日業成名就以昭先生之德者尙有在也若然則是集之傳將彌久而彌彰矣奚待序而顯哉然美之請甚勤有不容於終默者因書以歸之正統六年歲在辛酉四月初吉賜進出身行在禮部主事台郡章陬撰

雲松先生諫七世祖也

家大人曰按侯二谷近稿五朱靈谷墓誌謂自雲松翁至靈谷十二世靈谷名守宣蕩南先生

子則諱南當爲雲松十一世孫此必誤合十一爲七耳

以詩名於元季與四明吳主一簫臺趙彥

銘先生遊詠雁山中時稱爲雁山三老先生之詩清麗簡亮不事纖巧

感慨咏嘆而有餘思元人多尙辭而意或不足以是興趣漠然而音節無聞先生以不求仕進故得專心肆力所謂清麗簡亮者鏘鏘乎可以振唐人之遺響而下視元季之萎弱者矣先生爲人甘貧樂道遭亂避地所至多與文士交名山勝境遊覽殆遍自梅溪西轉永嘉之柯村羈旅數年至國初四方底定然後歸時已老矣有司嘗以姓名列薦剡不及領朝命而卒平生不事產業田止數十畝僅供飭粥臨終令悉入祠堂以奉祭祀雖有五子而分寸無所預以所作雲松巢詩集一冊端硯一方古本文選一帙付諸子曰汝可守此無忘我素志詩各體凡數千首不能盡刻錄噫子孫若諫者愚駭不肖安能盡探先生之所蘊而去取之哉姑舉其易知而易習者以訓吾宗之子孫而已耳然多清麗簡亮而有格力自可以入大方家而名於後世矣諫不肖不敢以愚駭辭謹輯或集復序於末云嘉靖七年秋七月朔旦七世孫諫序

後序

百川書志十五雲松巢先生詩集三卷樂清故老朱希晦撰其七世孫諫選古近體精粹者凡百八十五首

四庫全書總目一百六十八雲松巢集三卷

浙江鮑士恭家藏本

元朱希晦撰希

晦樂清人至正末隱居瑤川與四明吳主一篇臺趙彥銘游詠雁山之
中稱雁山三老明初有薦於朝者朝命未至而卒是集乃其子鹵所編
天台鮑原宏爲之序正統中其元孫元諫刊版章陂又爲之序原宏序
稱其飄逸放曠宗於李典雅雄壯宗於杜陂序稱其思致精深詞意豐
贍滔滔汨汨如驚濤怒瀾蛟鼉出沒而可駭可愕今觀其詩五言詩氣
格頗清然興象未深邊幅少狹數首以外詞旨略同七言稍爲振拔古
體又勝於近體溯其宗派蓋辨香於劒南一集原序所稱未爲篤論也
列朝詩集甲集前編十一朱朝列希晦樂清人元季有詩名與四明吳
主一篇臺趙彥銘稱雁山三老國初召至京師授朝列大夫不受歸幅

巾短策游咏林壑間有先代遺民之風有雲松巢詩二卷

靜志居詩話處士集爲七世孫元諫刊行其夏日書懷云白髮生涯人已老綠陰時節雨偏多寄友云煙色春歸楊柳底雨香紅入杏花初傷時云城邊向晚黃狐立海外何年白雉來自嘆云家貧猶具千金帚國難曾無一箭書訪僧云松陰夜靜鶴初驚花院日長僧未還皆佳句也

明詩綜十五下朱希晦雲松巢集

元詩選二集辛未處士希晦樂清人以詩名于元季隱居瑤川所居曰雲松巢集因以名焉嘉靖間七世孫玄諫編輯行世集中佳句如春日云日陰團碧樹風煥韻黃鸝寫懷云水滿魚兒出泥香燕子來夏日書懷云白髮生涯人已老綠陰時節雨偏多次竹隱二弟韻云兩補秋風停野騎半篙秋水漾魚舫幽居云竹吹綠霧沾書帙花發紅雲暎樂欄所謂清麗簡亮可振唐人遺響也也

案雲松朱處士希晦雍正浙江通志萬厯溫州府志咸豐樂清縣志隱逸傳並有傳雲松集集今所見文瀾閣傳鈔本三卷第一卷五言絕句四首六言絕句六首七言絕句二十三首五言律詩三十一首第二卷七言律詩五十四首第三卷古選原月皆五言古詩四十五首古風七言古詩十首五言長律五首總詩一百八十八首百川書志作百八十五卷據朱諫後序謂詩各體凡數千首不能盡刻錄姑舉其易知而易習者以訓吾宗之子孫而已耳然則此本卽諫所刪定者所存蓋不及十一故鮑叔所舉梅灣詩八首今已無之而東甌詩集七選希晦詩五首其三不見於此集內韻自況呈金敬然一首元詩選二集亦錄之蓋卽據東甌詩集采入也蓋皆諫所刪也至四庫提要謂是集爲希晦子鹵所編則殊不然鮑原宏爲鹵作此集序雖不言篇數而正統中章璲敘所述尙千餘篇則鹵所臧本必不止此百

餘首可知矣

提要謂正統中其元孫元諫刊版章詒又為之序亦非也章詒乃廖希晦元孫美之謫為之其作在正統辛酉朱諫刻版在嘉靖八年八十七年

又案此集別有舊鈔本不分卷其五言律詩末較閣本多詩六

首餘詩與閣本同卷首題雲松巢詩集

閣本無詩字贈朝列大夫

瑤川朱希晦撰明槧今未見不知為孰本也

葉氏葵

鏡清紀拙忠貞錄一

佚

隨寓吟稿

忠貞錄一

佚

白石陶咏

忠貞錄一

佚

鄭氏洪素軒集

一卷

元史載文志四

未見

靜志居詩話鄭君舉詩一卷曹侍郎古林臧本侍郎題是永嘉人而鮮于伯幾書趙子固水仙卷稱元貞二年正月同餘杭盛元臣三衢鄭君舉觀於困學齋初疑君舉乃三衢人然考周玄初來鶴詩有永嘉鄭洪君舉之作見鶴林類集則君舉爲永嘉人無疑來鶴事一在至正十七年一在十八年一在洪武十四年一在十五年一在二十七年明詩統元詩選二集辛鄭洪字君舉號素軒有詩一卷爲秀水曹侍郎溶家藏本題其簡端云是永嘉人蓋本諸賴良大雅集也而朱檢討彝尊云嘗見鮮於伯機題趙子固水仙卷稱元貞二年正月同餘杭盛仁元三衢鄭君舉觀于困學齋則君舉乃三衢人也未詳孰是俟更攷之

案素軒鄭洪事跡無攷賴良大雅集錄其詩題爲永嘉人其周玄初來鶴詩下注曰洪武已巳而朱竹垞則据鮮於伯機書趙

子固水仙卷元貞二年鄭君舉題名定爲三衢人顧氏元詩選
兩存其說而不能決家大人曰君舉集感興詩二首其次篇云
關陝雄藩未歆盟江淮豪傑已鏖兵此指李思齊張良弼搆怨
相攻及明祖起兵事又吳山白塢寺詩云江山襟帶尙依然王
氣消沈已百年八葉龍孫東渡海六宮綵女北歸燕則君舉入
明已久宋亡於己卯至明洪武十一年戊午乃得百年且元貞二年元興甫十七年至
洪武二十三年己巳君舉已逾百歲伯機元貞二年題名恐不
足信

孔氏克烈

雁山樵唱詩集

元史藝文志四○萬麻
溫州府志十七無詩字

佚

蘇伯衡序言之精者之謂文詩又文之精者也夫豈易爲哉然古詩二
百篇有出於小夫婦人小夫婦人而可與能則又若難無難者是何與

大序不云乎詩者志之所之也在心爲志發言爲詩有是志則有是詩譬如天地之間形氣相軋而聲出焉蓋莫之爲而爲者夫何難之有自古詩變而爲選選變而爲律天下之爲詩者不必皆本乎志驚於茫昧之域窘於聲偶研揣之間取聲之韻合言之文斯不易矣又況不能積歲月之勞極其材力之所至而徒模擬以爲工而欲馳騁以盡夫人情物理之妙宜其愈難哉是故知詩之作在言其志則可謂善爲詩者矣孔君顯夫持所謂雁山樵唱徵爲之序余閱之累日合古今體八百首托物以造端比事以見義屬辭以致意發吟風弄月之趣於聲嗟氣嘆之間大篇短韻雜然並陳鏗鏘振發而曲折窅如也余乃爲之嘆曰美哉顯夫之詩也不研揣不模擬不費辭而及乎形容之妙比興之微人之所難而顯夫獨無難焉若是者何自而能之蓋顯夫自幼明乎六藝之學兩舉校官皆辭不就其志直欲取世科以濟世美年二十四得隤

疾既不可有爲於時而又申之以變患難則其平生之情歡愉涕排憂
思慷慨觸於物者宜有以昌其詩而發焉則豈非所謂本於志哉人固
有困於疾而名於世者若張籍之於詩是已今顯夫雖以賸而志不獲
申其詩豈遂泯滅而不傳乎是用語顯夫曰子無自附於樵唱世將有
來而陳之者矣顯夫名克烈先聖五十五代孫今居平陽平陽有山曰
南雁碣顯夫嘗隱其間故以名其集云

蘇平休文集五

案孔克烈字顯夫

元史藝文志四作顯道誤

其事跡無攷据蘇敘雁山樵唱

集凡詩古近體八百首可謂富矣然顧氏元詩選及東甌詩集
續集乃無一篇可惜也

考槃集

乾隆平陽縣志十九

佚

劉氏

清

寫懷存稿

千頃堂書目十七

佚

陳氏

宏磬

惺惺詩稿

雍正浙江通志一百四十八載麻溫州府志十七並無詩字今從嘉慶瑞安縣志入

一卷

嘉慶瑞安縣志入

佚

嘉慶瑞安縣志八陳宏磬年十七讀書樓居終日危坐無惰容一日讀楊時及張栻語錄豁然有得自號惺惺子著惺惺詩稿一卷皆言道體化機之妙

案陳處士宏磬萬厯溫州府志義行傳嘉慶瑞安縣志儒林傳並有傳其名縣志作宏磬未知孰是

吳氏

子美

怡情集

乾隆溫州府志二十七

佚

萬厯溫州府志十三吳子美尤善吟咏所著有怡情集多出於性情之

正其咏史諸作卓有監戒

案吳處士子美萬厯溫州府志嘉慶瑞安縣志隱逸傳雍正泰

順縣志隱逸傳並有傳

潘氏

養頤

潘正卿文集

萬厯溫州府志十七

佚

案潘處士養頤萬厯溫州府志乾隆永嘉縣志隱逸傳並有傳

翁氏

葵

漁唱集

東甌詩集六

佚

東甌詩集六翁葵字景陽樂清柳川人有漁唱集

黃氏

震

皇華紀行集

乾隆溫州府志二十七

佚

乾隆平陽縣志十三元薦舉黃震居龍江工部員外

案黃震與宋慈谿黃文節公同名平陽縣志載其官爲工部員外攷蘇平仲集十三許處士墓誌有其子份奉前中書兵部員外郎黃震之狀云云則震乃兵部員外郎非工部也許處士名此翁卒於至正丙申則震爲元末人其他事跡則無可攷

方氏

軒

釣叟集

道光樂清縣志十

佚

道光樂清縣志八方軒雅量高致隱居自娛稱澱川山人有釣叟集

釋氏

道衡

半閒集

九靈山房集十三

佚

戴良禪海集敘道衡最善作詩有所謂半閒集傳諸學者云

九靈山房集十三

徐氏

允澤

天台橋集

萬縣溫州府志十七

佚

案徐允澤事跡無攷其集萬厯府志載文門列于元明諸集間